



t 0 2 1



谷村文庫
1-25
セ-3

禪林類聚 利

道者智禪師一日侍者衡源至人家吊慰源持稻向云生天也師云生也
 不通死也不通云為甚乎不通師云不通云同歸至中路源云為甚
 與其甲道為不通云和云去師云去則何云道則不通源遂
 步回院師知事因得不便教令去源乃去一村院寄住因向
 誦法華經云應以此立身得受者即現之立身忽悟前語師已
 遷化了後至石霜舉前語霜云生也不通死也不通源云為甚
 廣不通霜云不通云源云言下大悟 二 大德秀云大凡言論
 須有轉身謀為者既無便害化痛棒且道漸源是甚了眼
 佛即云云石霜笑上如尖要醒子何漸源也無用處當初待伊舉了
 以棒打之云云作天下家乃為通吾當云云固知當斷不斷反招其亂

西明寺什物

禪林類聚三之目錄

第十一 住山 開堂附 庵居 戒律 出家附 參學

禮拜 省訪

第十二 遊山 辭送附 馳書 緣化 應化 神異

因果 沐浴 偃息

第十三 問疾 醫卜 藥餌 遷化 追忌

第十四 歲時 解結 日月 風雲 雨雪 水火



昭和17.9.1.
783759

第十五 衣鉢 服飾把針附 鞋襪 珍寶 琴碁

簾帳 舟楫

夾山初住京口寺。目僧向如何是法身山。云法身無相亦何如何是。
法眼山云法眼無礙時。道吾在。坐下。笑山請益。後散。與參。
船子有發後。聚徒道吾。令僧住。如何是法身山。云法
身無相亦何如何是。法眼山云法眼無礙。便回拳似道吾。
吾云。若溪此。南方。徹。
秋葉隨宮墻。思量世夏如翻掌。誰得長生不死方。
初見春花歸。園苑。亦逢。

禪林類聚卷第三

住山 開堂附

庵居

戒律 出家附

禮拜

參學

省訪

住山 開堂附

青原思禪師。令石頭馳書往南嶽。讓和尚處。乃云。回來與
汝。鉏斧子住山。去。石頭到彼。未通書。便問。不基諸聖。不重
已靈。時如何。嶽云。子問太高。生何。不向下。問頭云。寧可求
劫受。沈淪。不求諸聖。解脫。便回。師問。返何。速乎。書達。不頭
云。書亦不達。信亦不通。去。特蒙許。鉏斧子住山。即今便請。
師垂一足。頭便禮拜。歸南嶽住山。
玄沙云。大小石頭被大慧靠倒。至今起不得。翠巖芝
云。思和尚垂足。石頭禮拜。要且不得他斧子。且道後來。

洞山九世孫嗣
豆豉醬要
本二ハ世トモヤ

用箇甚麼 黃龍南云石頭雖善馳達不辱宗風其奈
淫俊太過不知落節既是落節回來因甚得斧子 雪
竇顯云石頭洎擔板過却又云大小大惠不能據令
保寧勇頌云從來相上作君王子子孫孫代代昌文武
百僚俱不識只應金殿有尊堂 佛印元云諸聖不求
已靈不重一問太昌大驚地動拂袖而回音書背開從
茲盤石上更不過山來 佛國白云鉏耒持來便住山
斫開南嶽好峯巒兒孫失利將何用又被嘲噓笑魯般
枯木成云千里迢迢信不通歸來何事太忽忽白雲鎖
斷巖前石掛角羚羊不見蹤
百丈洎禪師僧問如何是奇特事師云獨坐大雄峯僧禮
拜師便打

應庵華云大小百丈答話不了

雪竇顯頌云祖域交馳天馬駒化門舒卷不同途電光
石火存機變堪笑人來捋虎鬚 白雲端云大機大用
豈虛然獨坐雄峯是有權稍若錯傳王令者腦門須喫
棒三千 投子青云巍巍峭迥出雲霄頂鎖冰寒勢外
遙坐觀四望煙籠處一帶青山萬水朝 保寧勇云大
雄峯頂獨巍巍直下橫分八字眉賴得縮頭知進退未
嘗容易敢相虧 海印信云雄峯獨坐鎮巍巍四海譟
謠滿路歧任是通身鋒刃者到來無不豎降旗

投子同禪師僧問和尚住此山有何境界師云了角女子
白頭絲

白雲端頌云了角女子白頭絲猛酸堆中雪片飛一等

坐觀四望

三

此卦當于白乳茶中四時不離身中要而身中
白乳茶中四時不離身中要而身中

住山誰可擬，閑雲流水不同歸。正覺逸云：山家世界，別塵世罕曾聞，只可自怡悅，不堪持贈君。持贈君還也，奇了角女子白頭絲。

雲居僧問僧家畢竟如何，師云：居山好。僧禮拜，師云：你作麼生會？云：僧家畢竟於善惡生死逆順境界，其心如山之不動。師打云：辜負先聖喪我兒孫。又問傍僧云：你作麼生？僧禮拜云：僧家畢竟眼不覷玄黃之色，耳不聽絲竹之聲。師云：辜負先聖喪我兒孫。

黃龍南云：作麼生道得一句，不辜負先聖喪我兒孫？若人道得到此，青山非道場，若道不得，有寒暑兮促君壽，有鬼神兮妬君福。

投子青頌云：突兀嵯峨萬仞橫，四邊無路不通行。自古

兩輪光不到，夜深王老入西岑。

庵居

南泉願禪師住庵時，一僧到，師乃云：某甲上山作務，請齋時作飯，自喫了却送一分來。其僧齋辦，自喫了却將家事一時打破，仍就牀卧。師伺久不來，遂歸見僧卧，師亦去一。邊卧，僧便起去。師住後，云：我往前往庵時，有箇剎利道者來，直至如今不見。

五祖戒云：也是貧兒思舊債。翠巖芝云：兩箇漢前不至村後，不至店。

南堂靜頌云：吹毛剎利逆水波清，丈夫志氣不順人情。君征塞北，我伐西秦，千古萬古共樂昇平。

趙州諗禪師因到一庵，主處問有麼？有麼？主豎起拳頭，師

銷金
金石志
不與西華

云水淺不是泊船處便行又到一庵主處云有麼有麼主
亦豎起拳頭師云能縱能奪能殺能活便作禮
姜山愛云趙州只見錐頭利雲居舜云趙州當時甚
生意氣雖然如是要且鼻孔在二庵主手裏上方益
云避得風雷重遭霹靂月庵米云泣露千般草吟風
一樣松爲甚麼肯一不肯一若向這裏見得釋迦不先
彌勒不後坐斷要津天長地久苟或未然月庵老人爲
諸人下箇註脚良久云若不如是爭知如是
文殊道頌云足馬單鏑戰相關死生只在剎那間趙州
最是難容漢庵主當頭楔兩拳佛迹呈云問答元來
總一般當頭一著莫瞞頂將軍自有佳聲在不得封侯
也是閑佛性泰云無星秤子兩頭平提起應須見得

驤騰

明若向箇中爭分兩知渠錯認定盤星湛堂準云趙
州老漢少喜多嗔不會爲客勞煩主人佛心才云虎
步龍驤徧九垓會從平地起風雷等閑喚出庵中主便
見千江水逆流
龍山禪師住庵洞山价禪師與密師伯行脚見溪流茶葉
洞云此中必有修行人遂往尋見庵主師問此山無路閣
梨向甚麼處來洞云無路且置和尚從何而入師云我不
曾雲水來洞云和尚住此庵多少時耶師云春秋不涉云
和尚先住此山先住師云不知云爲甚麼不知師云我不
爲人夫來洞又問如何是庵中主師云長年不出戶云如
何是主中賓師云青山覆白雲云賓主相去幾何師云長
江水上波云賓主相見有何言說師云清風拂白月洞又

問庵主見箇甚麼道理便住此山師云我見兩箇泥牛闌入海直至如今無消息復有頌云三間茅屋從來住一道神光萬境閑莫把是非來辯我浮生穿鑿不相干遂放火燒却直入後庵

保寧勇頌云泥牛入海無消息天上人間何處覓謂言
春去秋復來步步乘騎得渠力南堂靜云撥草瞻風
海上遊海山深處葉隨流相將行到水窮處果見厖眉
老比丘這比丘冷啾啾清風爲線明月爲釣一合乾坤
作釣舟孤峯絕頂垂綸坐不風流處也風流

俱胝禪師初住庵時有尼頂笠攜錫至遶禪牀三市云道
得卽住師無語自嘆云我雖是丈夫却無丈夫之作欲棄
庵徧參是夜土地報云庵主不須雲遊自有知識來爲說

法次日果天龍和尚至庵師舉前話問之龍豎一指師忽
然大悟不復他遊後凡有所問唯豎一指頭臨終謂衆云
我得天龍一指頭禪一生受用不盡乃豎一指而逝

長慶代衆云美食不中飽人喫玄沙云我當時若見
 拗折指頭玄覺云且道玄沙恁麼道意作麼生雲

居錫云只如玄沙恁麼道肯伊不肯伊若肯何言拗折
指頭若不肯俱胝過在甚麼處曹山云俱胝承當處

茵莽只認得一機一境一種是拍手撫掌是他西園奇
恠ロリハナ玄覺又云且道俱胝還悟也未若悟爲甚麼道承

當處箇莽若不悟又道用一指頭禪不盡且道曹山意在甚麼處

汾陽昭頌云天龍一指悟俱脂當下無私物匪齊萬古

蘭 奔ハ
安リ暇ニシテ
方テ佛祖振源
示生本有方法
讀得ニ一指ノ
在知ニ示天ニ安
達ニ奔トテ地ニ
生達ニ蘭トテ
亦一切耕作苗ノ
ナリナシタカ
苗トモ更ニ糸
セシメ又ニ如ク
三世歷代共ニ
眼ノ不及名ヲ
付ケエヌ

大時還記月好不終不終不終不終
人時起未起把得金銀棒便休

千差寧別說直教今古勿針錐 雪竇顯云對揚深愛
老俱胝宇宙空來更有誰曾向滄溟下浮木夜濤相共
接盲龜 佛國白云問答機關豈易酬無錢難作好風
流心中有事說不得只得忙中豎指頭 慧照預云席
簾蓬戶在門頭誰謂村居院落幽雨散雲收山嶽露珊
瑚枝上掛金鈎 徑山杲云俱胝一指頭喫飯飽方休
腰纏十萬貫騎鶴上揚州
雪峯存禪師住庵時有兩僧來禮拜師見來以手托庵門
放身出云是甚麼僧亦云是甚麼師乃低頭歸庵僧後到
巖頭頭問甚麼處來云嶺南來頭云曾到雪峯麼云曾到
頭云有何言句僧舉前話頭云他道甚麼云他無語低頭
歸庵頭云噫我當初悔不向他道末後句若向伊道天下

人不奈雪老何僧至夏末再舉前話請益頭云何不早問
云未敢容易頭云雪峯雖與我同條生不與我同條死要
識末後句只這是 聯燈小異

大鴻詰云大小雪峯巖頭却被這僧勘破 湛堂準云
大衆雪峯是會末後句不會末後句若道會巖頭又道
當初悔不向他道末後句若道不會因甚而今兒孫遍
天遍地雖與我同條生不與我同條死末後句巖頭爲
劈頭說破也未免有些諸訛久參先德一舉便知後學
初機莫道不疑好
雪竇頌云末後句爲君說明暗雙雙底時節同條生也
共相知不同條死還殊絕還殊絕黃頭碧眼須甄別南
北東西歸去來夜深同看千巖雪 白雲端云雪峯却

劫肇三峯頂捧出金欄對日看
枯木成云喝下承當
草已深却來蘭浦訪知音溪山雲月何嘗異今古誰人
鑑此心
天童覺云搖頭擺尾赤梢鱗徹底無依解轉
身截斷舌頭饒有術拽回鼻孔妙通神夜明簾外兮風
月如畫枯木巖前兮花卉長春無舌人無舌人正令全
提一句親獨步寰中明了了任從天下樂欣欣
昔有二庵主住庵旬日不相見忽相會上庵主問下庵主
云多時不相見向甚麼處去來下云在庵中造箇無縫塔
上云某甲也要造一箇就兄借取塔樣子下云何不早說
并シテル

明牕下安排 五祖戒出洛浦語云更說道理看便出
去 大陽延代云也要和尚證明

投子青頌云無伴石人夜入山雪籠紅頂綠衣寒喝開
劫肇三峯頂捧出金欄對日看 枯木成云喝下承當
草已深却來蘭浦訪知音溪山雲月何嘗異今古誰人
鑑此心
天童覺云搖頭擺尾赤梢鱗徹底無依解轉
身截斷舌頭饒有術拽回鼻孔妙通神夜明簾外兮風
月如畫枯木巖前兮花卉長春無舌人無舌人正令全
提一句親獨步寰中明了了任從天下樂欣欣
昔有二庵主住庵旬日不相見忽相會上庵主問下庵主
云多時不相見向甚麼處去來下云在庵中造箇無縫塔
上云某甲也要造一箇就兄借取塔樣子下云何不早說

恰被人借去了也

法眼云且道是借他樣不借他樣

月庵果頌云無縫塔子樣兩手擡不起被人借將去至
今尋未已尋未已天上人間知幾幾

昔有一婆子供養一庵主經二十年常令一二八女子送
飯給侍一日令女子抱定云正恁麼時如何庵主云枯木
倚寒巖三冬無暖氣女子歸舉似婆婆云我二十年只供
養得箇俗漢遂遣出燒却庵

佛燈珣云大凡扶宗立教須是其人你看他婆子雖是
箇女人宛有丈夫作略二十年篋油費醬固是可知一
日向百尺竿頭做箇失落直得用盡平生腕頭氣力自
非箇俗漢知機洎乎巧盡拙出雖然如是諸人要會麼

天童如淨云
那時極則
居三百尺竿
頭上云云

雪後始知松柏操事難方見丈夫心

或庵體頌云不見人斑見虎斑筭來莫願見人斑虎斑

見後通面避唯有人斑近最難

三角遇庵主因荒亂魁師入山執刃而問和尚有甚財寶

師云僧家之寶非君所宜魁云是何寶師振聲一喝魁不

悟以刃加之

洞山聰頌云帥將真實濟兇人豈謂行恩返害身真實

與伊元不識而今更是好訴貧正覺逸云深山深處

隨時荒無價之珍不隱藏纔遇兇人便分付兇人少鑑

返加傷

懶瓚禪師遁居衡嶽之頂石室中每歌云世事悠悠不如

山丘卧藤蘿下塊石枕頭不朝天子豈羨諸侯生死母慮

吾後何憂唐德宗聞其名遣使者到其窟宣言天子有詔

詔尊者宜起謝恩師方撥糞火尋煨芋食之寒涕垂垂未

荅使者笑之且勸拭涕師云我豈有閑工夫為俗人拭涕

耶使者竟不能致之帝聞倍加欽羨

覺範洪頌云糞火但知黃獨美銀鈎那識紫泥新尚無

餘力收寒涕那有工夫對俗人

戒律 出家附

中邑恩禪師因仰山至謝戒師乃於禪牀上拍手云嗚哪

嗚哪仰從西過東從東過西復向中心立然後謝戒師云

甚麼處得此三昧仰云於曹溪脫印子學來師云汝道曹

溪用此三昧接甚麼人仰云接一宿覺仰復問和尚甚麼處

得此三昧師云於馬大師處學得此三昧

印子ハハカ
本性ハ云

一本本作章敬
夏學來小異

西笑
三

琅琊覺云愁人莫向愁人說 翠巖芝云看兩箇老和尚可殺漏逗對面相謾 嵩山果云若據二老見處達磨一宗掃土而盡 松源岳云二老漢正是癡人說夢雖然笑他者多哂他者少 汾陽昭頌云鼓唇拍手口鳴哪直引來人辨正邪千萬往來都不薦仰山纔見便同家 慈受深云仰山善問中邑善應慶去翻來拍拍是令 正覺逸云曹溪脫印傳來錯章敬師承受處鹿將謂胡鬚天下赤元來更有赤鬚胡

禮拜

南泉願禪師示衆云江西馬祖說即心即佛又云非心非佛主老師不恁麼不是心不是佛不是物恁麼道還有過

麼時趙州出禮拜了去續有僧問州云上座禮拜了去意作麼生州云汝却問取和尚僧遂問師適來諗上座禮拜了去意作麼生師云他却領得老僧意旨

徑山杲云兩箇老漢雖善韓裏動指頭殊不知傍觀者醜又頌云倒腹傾腸說向君不知何故尚沈吟而今便好猛提起付與當場無事人 佛眼遠云祖佛場中不展戈後人剛地起諸訛道忝不傳天子令時清休唱太平歌

趙州諗禪師一日在佛殿上見文遠禮拜佛師以拄杖打一下遠云禮佛也是好事師云好事不如無

鼓山珪頌云平生侍奉老師全無些子氣息佛法妙性天機一字教他不得 徑山杲云文遠修行不落空時

祖般若多羅識汝去後出一馬駒踏殺天下人去在

汾陽昭頌云因師顧問自何來報道嵩山意不回修證
不無不染汚撥雲見日便心開 佛印元云玉在池中
蓮出水汚染不能絕方比大家如是若承當洞庭一夜
秋風起 保寧勇云戴角披毛恁麼來鐵圍山嶽盡衝
開闢浮踏殺人無數驀鼻深穿拽不回 佛國白云嵩
頂來來恁麼來不中一物早塵埃便歸南嶽磨軒鏡照
得追風馬子回

青原思禪師初參六祖問云當何所務即不落階級祖云
汝曾作甚麼來師云聖諦亦不為祖云落何階級師云聖
諦尚不為落何階級祖云如是如是如是汝善護持

松源岳云是即是總未有出身之路靈隱門下莫有獨

脫底麼敲出鳳凰五色髓撲碎驪龍頷下珠

投子青頌云無見頂露雲攢急却外靈枝不帶春那邊

不坐空王殿爭肯耘田向日輪 丹霞淳云卓爾難將

正眼窺迥超今古類何齊答封古殿無人侍月鎖蒼梧

鳳不棲 佛國白云無階無級見無求奪得曹溪第一

籌却向廬陵言米價百行千市競相酬 佛印元云聖

諦從來尚不為更無階級可修持至今盧大猶春米和

穀和糠付與誰

藥山儼禪師初參石頭問三乘十二分教某甲粗知掌聞

南方直指人心見性成佛實未明了伏望和尚慈悲指示

頭云與麼也不得不與麼也不得與麼不與麼總不得汝

作麼生師佇思頭云子因緣不在此江西有馬大師子往

彼去應爲汝說師遂至彼準前請問馬師云我有時教伊揚眉瞬目有時不教伊揚眉瞬目者不是師於是有省便作禮馬師云子見箇甚麼道理師云某中在石頭時如蚊子上鐵牛相似馬師云汝既如是宜善護持

法雲秀云石頭好箇無孔鐵鎚大似分付不著藥山雖然過江西悟去爭奈平地上喫交有甚麼扶策處具眼者試辨看

松源岳頌云坐斷千峯路穿開碧落天那容問端的端的的髑髏前

汾州無業國師凡有請問但云莫妄想

西禪需頌云王令威嚴誰敢擬纖毫纔動鐵輪隨時人

辭下

只見錐頭利幾人能見利頭錐

趙州論禪師因僧告舜師問甚麼去僧云諸方學佛法去師豎拂云有佛處不得住無佛處急走過三千里外逢人不得錯舉云與麼則不去也師云摘楊花摘楊花

天衣懷云趙州非但走得這僧脚底皮穿亦乃症却這僧口口若不症爲甚麼逢人便舉五祖演於不得住

處云摸却你心肝五臟急走過處云鴈過留聲錯舉處云出門便錯不丟也處云種粟却生荳末後云不覺日

又夜爭教入少年天童覺云沈空滯迹犯手傷風俱未是袖僧去就直須莫入人行市莫坐他床榻正不立

玄偏不附物方能把住放行有自由分

保寧勇頌云堂堂好箇丈夫兒剛被胡麻取次欺若解

奮拳張意氣，世間何處可容伊。天童覺云：青山不異白玉無瑕，茫茫流水擾擾黃花有佛，處處纖塵不立，無佛處萬別千差。長安路上未歸客，尋溪猶自摘楊花。佛慧泉云：截斷三關過者稀，臨鋒誰解振全威。楊花摘處何人見，風送漫天似雪飛。普融平云：三千里外兩重關，衲子紛紛過者難。回首石橋南北路，楊花風散雪漫漫。

龍潭信禪師在天皇三年，忽一日問云：某甲自到來，不蒙和尚指示心要。皇云：自汝到來，吾未嘗不指示汝心要。師云：甚處是指示某甲心要。皇云：汝擎茶來，吾為汝接。汝行食來，吾為汝受。汝和南時，吾便低首。何處不指示汝心要。師竚思皇云：見即直下，便見擬思。即差。師當下開悟，乃

問云：如何保任。皇云：任性逍遙，隨緣放曠，但盡九心，別無聖解。

白雲端頌云：脫白求師，貴苦辛。擎茶問訊，盡躬親。無端再叙三年事，笑殺塔頭賣餅人。

翠微覺禪師因龍牙問：自到和尚法席，每沐上堂，不蒙一法示誨。意在於何。師云：嫌箇甚麼。牙後至洞山，亦是問山云：爭恁得老僧後有問法眼。眼云：祖師來也。

東禪齊云：此三人尊宿，語還有親疎也。無若有阿那箇親若無親，疎眼在甚麼處。雪竇顯云：兩箇老漢被這僧穿却，唯有法眼與他同參。若是雪竇門下喫棒了，趣出。

樺樹省禪師問洞山甚麼處來。山云：親近來。師云：若是親

近用動這兩片皮作甚麼後曹山聞舉乃云一子親得
丹霞淳頌云從來父子不相離石女何勞更問伊昨夜

寒巖無影木白雲深處露橫枝

巖頭齋禪師初參德山問是凡是聖山便喝師便禮拜洞
山聞得乃云若不是齋公也大難承當師云洞山老漢不
識好惡錯下名言我當時一手擡一手搥

雪竇顯云然則德山門下草偃風行要且不能塞斷天
下人口當時纔禮拜磬脊便棒非唯勦絕洞山亦乃把
斷齋老還會麼李將軍有嘉聲在不得封侯也是閑
教忠光云還知三大老落處麼德山和身放倒洞山帶
水拖泥若非巖頭具通方眼爭顯功高汗馬且作麼生
是一手擡一手搥殺人刀活人劍本和自也琅琊覺云巖頭

無人問著不妨奇特纔被洞山腦後一錐直得无解水
消スルヲ

保寧勇頌云平川走兔放蒼鷹一搥便啗雙眼睛毒手
奪來人買去奈何斤兩未分明洪雲秀云巖頭老漢

九聖孰辨半僧半俗可貴可賤三文取箇黑老婆江邊
相喚掩蝦蟇疎山如云一喝驚天動地雷海翻太華
洞然開巖頭膽喪魂飛也調道當時手搥擡ハキ

雪峯存禪師首謁鹽官自後三登投子九上洞山因緣不
契後參德山問從上宗乘學人還有分也無山打一棒云
道甚麼師不會至明日請益山云我宗無語句實無一法
與人師因此有省一本異

巖頭聞云德山一條脊梁骨硬似鐵雖然如是於唱教

門中猶較些子。保福問招慶只如巖頭出世有何言。句過於德山便恁麼道。慶云汝不見巖頭道。如人學射。久久方中。福云中後如何。慶云展闊梨莫不識痛痒好。福云和尚今日非唯舉話。慶云展闊梨是甚麼心行。明招謙云大小招慶錯下名言。九僊清云如今若有問光孝從上宗乘。學人還有分也無光孝也不下禪床也不拈拄杖也不辟脊打只向他道窮鬼子不要忙少你一分不得。然雖如是癡人面前不得說夢。保寧勇頌云此疾懷來沒量時尋醫求卜過多師濃煎一服通神散血汗霑流徹四肢。雲巖因云是法平等無高下伊予有分必相亞。雖無一法輕與入棒下龍蛇從變化。

鏡清雪峰義存禪師嗣法也。鏡清五付移下。

鏡清付憇禪師。僧問學人未達其源乞師方便。師云是甚麼源。云其源。師云若是其源。爭受方便尋後侍者問道來成。憇伊不師云無者云不成。憇伊不師云無者云和尚尊意如何。師云一點水墨兩處成龍。○一理人西公乾仲

雪竇顯於爭受方便處云死水裏浸却有甚用處。於未後云猶較些子。雪竇不是減鏡清威光要與這僧相見。是甚麼源其源三十年後與汝三十棒。五祖戒云與麼道也太險。雖然語險爭柰用得這一點親要會麼。莫恠鏡清多意氣他家曾謁聖明君。圓悟勤云鏡清機如掣電眼似流星一切世界悉皆成就要且只解委曲不解直截還委悉麼。有意氣時添意氣不風流。也風流。南堂靜云大小鏡清元來脚手小今夜忽有問道。

來莫成魂伊麼無莫不成魂伊麼無未審尊意如何一點水墨市地成金毛獅子

此字句長下形サニニホトリト云の得也

保寧勇頌云鏡水平湖碧湛然茫茫曾未達其源王維妙手堪圖畫一點成龍兩處全正覺逸云成龍兩處若爲分碧眼黃頭笑未聞莫恠鏡清多意氣他家曾謁聖明君雲溪恭云手把空行末是難難中難是問其源其源未達奈何也且看成龍點下分

◎

一點龍也水之陽也

玄沙初謁雪峯後欲徧歷諸方參尋知識攜囊出嶺築菴脚拍頭流血痛楚忽然猛省云是身非有痛自何來遂即回雪峯雪峰問云那箇是備頭陀師去終不敢許於人雪峰忽一日召云備頭陀何不徧參去師云達磨不來東土二祖不往西天峯然之

泊泊上
洞之
ス

本覺一頌云釣魚船上謝三郎趯倒須彌返故鄉應笑途中未歸客伶俚旅泊向他鄉佛國白云驀然趯破便知休百越青山更不遊從此七閩江上月至今空落釣魚舟

雲居禪師僧問全無學處如何立身師云無立身處僧云佛事何勞師云不同興化

投子青頌云苔斂煙收紫氣旋拱斑宸幄退堯年鳳樓不宿桃源客豈並金光瞞漢天

廣教志禪師僧問是甚麼物學人不會師云生在冀州

投子青頌云禁幄重闌苔蘚深金鈴不動侍無人誰攜斑杖來相問却說東園麥隴青

雲門偃禪師到洞巖巖問作甚麼來師云親近來巖云亂

走作甚麼師云暫時不在嚴云知過即得師云和尚亂走作甚麼

鼓山晏國師示衆云諸和尚盡道向諸方參學未審參箇甚麼學箇甚麼還有參得者也無有即出來對衆驗看諸和尚爲復參禪衆道參佛衆法衆毗盧師法身主衆佛向上事涅槃後句若實衆此得無大妄喚作望上心不息與諸和尚了無交涉

風元沼禪師僧問如何是學人親切處師云須彌南畔齊打鼓賀蘭山上築皮毬

投子青頌云親切曾伸問老翁東山歌唱此山吟弄潮須是江吳客別語還他漢地人

首山念禪師僧問如何是學人用心處師云恠你一間遲

也

投子青頌云未語難明迷悟情發言方表赤心人祇貪進步求名玉爭信靈苗不受春

五祖演禪師每遇僧來請益祇云無這閑工夫

佛眼遠頌云彼此且無相負累行人無不失鉤錐雖然不瞞衆生眼也好拳頭劈口槌

五祖云老僧遊方十餘年參數十人善知識將謂了當及到浮山圓鑑會下更開口不得末後又到白雲因敲破一箇鐵酸餛直是百味具足且道餛子一句作麼生道花發雞冠媚早秋何人能染紫絲頭有時風動頻相倚似向堦前闌不休

內禪需云五祖老和尚恁麼說話大似乞兒見小利

松源喜云五祖怎麼說話猶欠悟在
月庵果頌云白雪鐵酸餚衲僧難下口忽然齧得破大
作獅子吼

省訪

雲巖晟禪師同道吾自南泉回藥山師問藥山云如何是
異類中行山云吾今日困倦且待別時來師云某甲特爲
此事歸山來山云且去師便出道吾在方丈外聞師不罵
不覺齧得指頭血出吾却下來問師師兄去問和尚那因
緣作麼生師云不爲某甲說吾便低頭

丹霞淳頌云飢餐嫩草渴飲寒泉曲澗回波蕩
不耕空劫地暮天何用牧歌催

洛浦安禪師一日有故人來訪問云倏忽數年何處逃難

師云只在闌闌中如何不向無人處去師云無人處去有
何難云且如闌闌中如何逃避師云雖在闌闌中要且無
人識故人罔措復問西天二十八祖至此土人傳一人且
如彼此不垂曲者如何師云野老門前不話朝堂之事云
合談何事師云未逢別者終不開拳云有人不從朝堂來
相逢時還話不師云量外之機徒勞目擊故人無對
洛浦僧問學人擬歸鄉時如何師云家破人亡子歸何處
云恁麼則不歸去也師云庭前殘雪日輪消室內紅塵遣
誰掃

丹霞淳頌云太平鄉國路空賒歸興悠悠思莫涯撒手
到家何所有琉璃寶殿鎖蟾華
蛤溪道者相訪洛浦安禪師安問自從犁溪相別今得幾

年者云和尚猶記得昔時事安云見說道者總忘却年月也者云和尚住持事繁且容子細看安云打即打會禪漢者云某甲消得安云道者住山事繁

丹霞淳頌云這般消息不尋常蟾桂枝枝布遠香昨夜

嫦娥呈巧妙眼睛直上綉鴛鴦

護國澄禪師僧問如何是本來父母師云頭不白者云將何奉獻師云慇懃無米飯堂前不問親

丹霞淳頌云出門遍界無知己入戶盈眸不見親虛室夜寒何所有碧天明月頗為隣

禪林類聚卷第十二

遊山

馳書

緣化

應化

神異

因果

沐浴

偃息

遊山

辭送附

百丈海禪師侍馬祖遊山歸忽然哭同事問云憶父母耶師云無云被人罵耶師云無云哭作甚麼師云問取和尚同事往問馬祖祖云你去問取他同事回至寮中見師呵呵大笑同事云適來爲甚麼哭如今爲甚麼笑師云適來哭如今笑同事罔然

佛眼遠頌云一回思想一傷神不覺翻然笑轉新雲在嶺頭閑不徹水流澗下太忙生鼓山珪云世間名利

閑榮辱雲雨紛紛手翻慶悲歌相繼不堪論棒頭無眼
黃梁熟徑山杲云有時笑有時哭悲喜交并暗催
促此理如何舉向人斷絃須得鸞膠續松源岳云哭
不微笑不徹倒腹傾腸向君說父子非親知不知擡頭
腦後三斤鐵

趙州因僧辭師問甚處去云閩中去師云彼中兵馬隘直
須回避始得云向甚處回避師云恰好

汾陽昭頌云僧去閩中路不遠報言軍馬鬧嘈嘈問師
回避居何處恰好安眠日正高佛慧泉云七閩歸路

日爭鋒回避須教不見蹤恰好藏身何處是青山雲外
萬千重正覺逸云聞說閩中兵馬多叮嚀遊子第千
戈臨歧指箇藏身處無限雄師不奈何一謂每三言示

此遊山離四時並夏始終本則三須言三亦一處之可看也

長沙岑禪師遊山歸至門首首座問和尚甚處去來師云
遊山來座云到甚處師云始隨芳草去又逐落花迴座
云大似春意師云也勝秋露滴芙蓉春初未

雪竇顯云謝師答語白雲端云大衆且道長沙在春
夏秋冬中不在春夏秋冬中要會麼一氣不言含有象
萬靈何處謝無私

雪竇頌云大地絕纖埃何人眼不開始隨芳草去又逐
落花回羸鶴翹寒木狂猿嘯古臺長沙無限意咄上
方益云拂拂山香滿路飛野花零落草披離春風無限
深深意不得黃鶯說向誰佛鑑勸云獨步曾無語逢
入口便開始隨芳草去又逐落花回薄霧篩紅日輕煙
攬綠苔若將詩句會埋沒法王才

截臂這裏自領出去。五祖戒云：大隋不因一事，不長一智。雪竇顯云：殺人刀活人劍，具眼底辨取。鴻山秀云：大隋茶非類，趙州茶既不類，趙州茶得之者少矣。這僧得之，且有甚長處，然不義之財於我如浮雲。天童覺云：識法者懼，欺敵者亡。水中擇乳須是鵝王。保寧勇頌云：柳標杖頭光閃爍，錫羅捲裏面皺皺，有橫背負出門去，好是無人敢駐留。古德云：一輪明月照瀟湘，更不逢人問故鄉。自是天涯慣為客，任他猿叫斷人腸。

巖頭因僧辭師問甚麼處去，云：入嶺禮拜雪峯去。師云：雪峯若問巖頭如何，但向他道。近日在鄂州湖畔住，只將三文買箇黑老婆，每日撈蝦拖蜆，且恁麼過時。僧到雪峯，舉

似前話。峯云：窮鬼子得與麼快活，不徹聯燈作買箇撈波子。上方益云：既是窮鬼子為甚麼快活不徹，不見道樂客不如苦主。人雖然如是，而今且在滄溟上釣得鯢鯨，未可知。

海印信頌云：且於湖畔撈蝦蜆，不向滄溟釣巨鰲。一葉扁舟一蓑笠，閑眠閑坐任風濤。古德云：三文娶得一妻賢，拖蜆撈蝦在釣船。雪老未知窮活計，看來不直半文錢。

曹山本寂禪師辭洞山，山云：子向甚麼處去。師云：不變異處去。山云：不變異處豈有去耶。師云：去亦不變異。丹霞淳頌云：家家門掩蟾蜍月，處處鶯啼楊柳風。若謂縱橫無變異，猶如擲劍擬虛空。

雲門偃禪師僧問如何是學人自己師云遊山翫水

佛慧泉頌云南嶽山前徑山後瀑布聲如雷震吼拈却

笠子露頂行踏破草鞋赤脚走地藏恩云杖梨林下

步莓苔擾擾勞生眼未開好是落花隨淥水一時流出

洞中來開福寧云遊山翫水尋常早晚歸來鬢欲

霜踏破草鞋回首看數聲猿叫白雲鄉無爲子云學

人自己遊山翫水只知踏破草鞋忘却來時年幾

雲門僧問不起一念還有過也無師云須彌山
五祖演云有時問著師僧或豎一指或進一步或下一
喝或拂袖便去上座未在何故太平未曾向二三月下
一陣雪向汝諸人在如有箇漢出來道老和尚莫七顛
八倒見今下也不是乃展手云應庵華云雲門道

得不妨諦當要且落在第二頭若是明果即不然忽有

人問不起一念還有過也無只對他道致將一問來

洞山聰頌云不生一念豈通宗真偽分於一句中築著

眼光兼杜口須彌當面作昇風保寧勇云萬仞峰前

立大垂須更駐眼落懸崖通身不損毫毛者天上人間

安敢埋無盡居士云一念沈沈過有無且空拈出大

彌盧直饒玉兔金烏急宮殿巡遊落半途

羅山閑禪師在禾山送同行矩長老出門次師把拄杖向

前一攬矩無對師云石牛欄古路一馬勿雙駒後有僧舉

似踈山山云石牛欄古路一馬生三寅

鼓山珪頌云不踏門前路春歸又一年落花紅滿地芳

草碧連天徑山杲云出門握手話分携古路迢迢去

莫追却笑波心遺劍者區區空記刻舟時
 保福使禪師與長慶遊山次師以手指雪峯舊院云教中
 道妙高峯頂莫只這裏便是麼慶云是即是可惜許後舉
 似鏡清清云若不是孫公便見髑髏遍野一本
 僧問鼓山只如稜和尚恁麼道意作麼生山云孫公若
 無此語可謂髑髏遍野白骨連山 雪竇顯云今日共
 這漢遊山圖箇甚麼復云百千年後不道全無祇是少
 汾陽昭頌云因上高巖到頂頭僧人致問已圓周是即
 便是可惜許只恐同音別處遊 草堂清云八萬四千
 非一一七金山內海滔滔妙高峯頂平如掌誰把長竿
 釣巨鼈 雪竇云妙峯孤頂草離離拈得分明付與誰
 不是孫公辨端的髑髏著地幾人知 佛心才云攜手

相將孰共行目前唯觀妙高山雲泥不隔來時路付與
 兒孫觸處看

慈明問僧行脚須知有行脚事作麼生是行脚事云知師
 云知底事作麼生云山高水深師云念汝遠來且坐喫茶
 僧云諾諾僧問行脚不逢人時如何師云釣絲絞水
 石田董頌曰 老倒慈明為指迷釣絲絞水出群機時人
 貪看蘆花白不見沙鷗隔岸飛 弗頌集聲

馳書

國一欽禪師因馬祖遣人送書至書中作一圓相師發誠
 見遂於圓相中著一點却封回後忠國師聞得乃云欽師
 猶被馬師惑
 保福展云甚處是感處作麼生得不感去 雪竇顯云

徑山被惑且置若將呈似國師別作箇甚麼伎倆免被
惑去有老宿云當時坐却便休亦有道但與劃破若與
麼只是不識羞敢謂天下老師各具金剛眼睛廣作神
通變化還免得麼雪竇見處也要諸人共知只這馬師
當時畫出早自惑了也 五祖戒云兩彩一賽又云三
人指路擬何爲 大滙詰云諸人還識馬祖徑山麼一
點水墨兩處成龍國師道欽師猶被馬師惑可謂千里
同風不見道手執夜明珠幾箇知天曉 徑山杲云馬
師仲冬嚴寒欽師孟夏漸熱雖然寒熱不同彼此不失
時節忠國師爲甚麼却道欽師猶被馬師惑還委悉麼
無風荷葉動決定有魚行
佛印元頌云馬祖當時見徑山同風微露密機關無端

却被南陽老平地坑人似等閑 照覺總云被惑之言
事有由神交千里芥針投誰言解使雲通信我不然号
石點頭 地藏恩云自南自北自西自東溪山雖異雲
月還同何事南陽老倒令人擾擾忽忽

南泉願禪師有書與茱萸云理隨事變寬廓非外事得理
融寂寥非內僧乃問如何是寬廓非外萸云問一答百也
無妨云如何是寂寥非內萸云觀對聲色不是好手僧又
問長沙沙瞪目視之良久又進後語沙乃閉目示之僧又
問趙州州作喫飯勢又進後語州以手拭口後僧舉似師
師云此三人不謬爲吾弟子
佛鑑懃云南泉雖則養子之緣其奈憐兒不覺醜殊不
知三人一人有足無目一人有目無足一人足目俱無

雖然如是皆可與南泉爲師爲甚如此事理分明承
天簡云此三人一人得皮一人得肉一人得髓不收魏不
管南堂靜云好南泉父子大衆若是南堂即不然如
何是理隨事變濯錦江頭濯錦時桃花似錦柳如眉如
何是事得理融太湖三萬六千頃月在波心說向誰如
何是寬廓非外遂拈拄杖倚左邊如何是寂寥非內却
拈拄杖倚右邊云不要動著動著便三十棒
古德頌云淡泊洋洋膝上琴包藏古意亦何深霜天有
月西風急落岸斷崖秋水音
玄沙備禪師令僧馳書上雪峯峯上堂開緘見三幅白紙
乃呈示大衆云會麼良久云不見道君子千里同風僧歸
舉似師師云山頭老漢蹉過也不知

東禪齊云甚麼處蹉過若的蹉過師豈不會弟子意若
不恁麼會只如玄沙意作麼生若會便參取玄沙五
祖戒出語云將謂胡鬚赤黃龍南云雪峯不道無長
處既被玄沙識破直至如今雪不出海印信云智與
師齊滅師半德智過於師方堪傳授要且欠一著在
開善謙云玄沙白紙爭奈文彩已彰雪峯既曰千里同
風何故不知蹉過不見道養子莫教大大了作家賊
汾陽昭頌云故遣馳書達遠信不干文字示家風回來
却報玄沙語蹉過分明理更封佛性泰云白紙三張
通信去展開千里却同風陽春轉入胡笳曲不是風吹
別調中佛心才云踏翻釣艇承家業笑取蘆花月正
圓地闊天長三幅紙同風千里爲誰宣慈受深云玄

沙象骨眼睛烏白紙三番便當書千里同風多錯會一條拄杖兩人扶

緣化

保壽二世禪師因先保壽問父母未生前還我本來面目來師立至深夜下語不契翌日辭去壽云汝何往師云昨日蒙和尚設問某甲不契往南方參知識去壽云南方禁夏不禁冬我此間禁冬不禁夏汝且作街坊過夏若是佛法闍闍之中浩浩紅塵常說正法師不敢違一日街頭見兩人交爭揮一拳云你得恁麼無面目師當下大悟走見先保壽未及出語壽便云你會也不用說

五祖演云若人於此知落處可謂公辦私辦大眾聽取一頌甚妙也甚妙於此知性命譬鼻與一拳當時便打

翌日
明日

南
南

南
南

正 南華曷云一拳打就無面目碧眼胡僧觀不足秋

來黃葉落紛紛六六翻成三十六枯木成云南北東

西是處遊更深歸去月如鉤春風一陣花狼籍不覺思

量暗點頭 佛性泰云一拳拳倒黃鶴樓一踢踢翻鸚

鵒洲幸有傍人爲著力自家端坐看揚州 夢庵信云

開市相逢兩知識面目無來太費力粉骨碎身未足酬

一句了然超百億

應化

明州布袋和尚未詳姓氏形才腰腰往來通衢開市或問在此何爲答云等箇人來云人來也答云汝不是這箇人或解布袋百物俱有或拈起示人云這箇是堯率內院底或於袋採果子與僧僧擬接師乃縮手云汝不是這箇人

或見僧行過乃拊背一下僧回首乃云與我一文錢有時倚布袋終日憨睡或起行市肆間小兒譁逐之或以拄杖或數珠與兒戲有僧問如何是祖師西來意遂放下布袋叉手而立僧云只此別更有在乃提布袋肩負而去或本不同保寧勇頌云咄這憨皮袋眉龐兼眼大終日在街頭市行無買賣阿呵呵歸去來典錢還却債佛慧泉云拈起即行放下便歇瞌睡阿師弄巧成拙佛意祖意寧知裙子褊衫百結有時獨立兮誰是知音歸去來一天明月圓通秀云千般萬樣有誰能會瞌睡老僧拄拾蒲袋心無諸受觸處三昧巷尾街頭貴買賤賣普化和尚因臨濟院有齋河陽木塔乃同臨濟在僧堂內坐纔說及師每日在街市掣風顛知他是凡是聖濟云待

來與問過須臾師入來濟便問普化是凡是聖師云你道我是凡是聖濟便喝師乃指兩尊宿云河陽新婦子木塔老婆禪臨濟小厮兒却具一隻眼濟云這賊師叫云賊賊便走出

海印信頌云騏驎駑駘辨者稀淺深毛色共同之若非伯樂垂精鑑千里追風不易騎

洞山聰禪師僧問既是泗州大聖爲甚麼在揚州出現師云君子愛財取之有道

慈明圓頌云泗州忽示現揚州天下宗師話路稠君子愛財取有道南海波斯鼻孔觔

神異

世尊因五通僊人問世尊有六通我有五通如何是那

通佛召云五通僊人五通應諾佛云那一通你問我

雪竇顯云老胡元不知有那一通却因邪打正 琅琊

覺云世尊不知可謂因正而打邪五通因邪而打正

翠巖芝云五通如是問世尊如是答要且不會那一通

雲峯悅云大小瞿曇被外道勘破了有傍不甘底麼出

來我要問你作麼生是那一通 雲蓋本云世尊如是

召五通如是應作麼生是那一通良久云姤女已歸霄

漢去獸郎猶在火邊蹲

保寧勇頌云無量劫來曾未遇如何不動到其中莫言

佛法無多子最苦瞿曇那一通 雲溪恭云問佛如何

那一通世尊當面指迷蹤祥雲密密微微雨大震雷音

市地風 長靈卓云汝問如何此問親嶺梅江柳共芳

春抱賊不用行搜檢已自當堂露賊身 正覺逸云那

一通你問我令人慚愧釋迦老只知步步踏紅蓮不覺

茫茫入荒草 佛印元云僊人一問通皆備却是瞿曇

一物無喚得鬼來依舊放幾多山鬼暗相呼

世尊因耆婆善別音響至一塚間見三箇髑髏乃敲一髑

髏問耆婆此生何處婆云此生人道又敲一云此生何處

婆云此生天道世尊又別敲一問此生何處婆罔知生處

塗毒策頌云如來一擊少人知直下分明更是誰無限

月光隨水去片雲偏向故山歸

殃崛摩羅未出家時事外道受教爲憍尸迦欲登王位用

千人拊指爲花冠所得九百九十九唯欠一指遂欲殺母

取指時佛在靈山以天眼觀之乃化作沙門在殃崛前殃

憍尸迦
爲位王官也

崛遂釋母欲殺佛佛徐行殃崛急行追不及乃喚云瞿曇
住住佛告曰我住久矣是汝不住殃崛聞之心忽開悟遂
棄刀投佛出家佛即授與落髮披衣

佛燈珣頌云急行緩步無前後渾踏長安路一條殃崛
忽然知住處便能平步上雲霄花冠不用娘生指鬚髮
寧煩費力搖好是移花兼蝶至等閑買石得雲饒踈
山如云殃崛雄雄方勇銳瞿曇住住息風波殺入作佛
當頭割覆兩翻雲在剎那

殃崛摩羅因持鉢入城到一長者家值其婦產難長者告
云沙門是佛弟子有何方便救得我家產難殃崛云我乍
入道未知此法當去問佛却來相報乃遽返白佛具陳上
事佛告云汝速去說我自從賢聖法來未曾殺生殃崛依

佛所說往告長者婦聞之當時分免母子平安

覺海元頌云聖法從來不殺生本無生殺且精明是諸
人我皆空相一切冤親盡假名甘露纔露除熱惱玉蓮
金子兩敷榮鼓山珪云月裏姪娥不畫眉只將雲霧
作羅衣不知夢逐青鸞去猶把花枝蓋面歸經山杲
云華陰山前百尺井中有寒泉徹骨冷誰家女子來照
影不照其餘照斜領

那吒太子析肉還母析骨還父然後現本身運大神力爲
父母說法

佛眼遠云肉既還母骨既還父用甚麼爲身學人道到
這裏若見得去廓清五蘊不盡十方乃爲偈曰骨還父
肉還母何者是身分明聽取山河國土現全軀十方世

界在裏許萬劫千生絕去來山僧此說非言語徑山
杲云骨肉都還父母了不知那箇是那吒一毛頭上翻
身轉一一毛頭渾不差

破竈隨禪師因嵩山塢有廟甚靈殿中唯安一竈遠近不
輟祭祀師以杖敲竈三下云咄此竈只是泥瓦合成聖從
何來靈從何起恁麼烹宰物命又打三下竈乃傾破墮落
須臾有青衣峨冠設拜云我本此廟竈神久受業報今蒙
禪師說無生法得脫此處生天特來致謝師云是汝本有
之性非吾強言神再拜而沒後有僧問師某甲久侍左右
未蒙方便竈神得何宗旨便乃生天師云我只向伊道是
泥瓦合成別也無道理為伊僧佇思師云會麼云不會師
云本有之性為甚麼不會僧作禮師云墮也墮也破也破

也後有僧舉似安國師國師嘆云此子會盡物我一如可
謂如朗月處空無不見者難搆伊語脉僧乃低頭叉手而
問未審甚麼人搆他語脉安云不知者

佛眼遠頌云禍福威嚴不自靈殘盃冷飯享何人一從
去後無消息野老猶敲祭鼓聲又云春寒料峭凍殺年
少切忌參商別無奇妙低頭侍奉歡喜問訊佛法商量
傷子性命佛燈珣云倚竈惟靈不是靈靈從斷處一
堆塵野老不來敲祭鼓因正打邪別是春

仰山寂禪師一日忽見異僧乘虛而至作禮而立於前師
問近離甚處云早晨離西天師云何太遲生云遊山翫水
師云神通妙用則不無閑黎佛法須還老僧僧云特來東
土禮文殊却遇小釋迦遂出西天具多葉與師作禮乘雲

騰空而去

東林總云諸方商量如麻似粟盡道這碧眼胡兒來無蹤去無跡直是光前絕後若不是仰山也難爲縱奪諸禪德殊不知這碧眼胡兒騰空而來騰空而去一生只在虛空裏作活計有甚麼光前絕後大小仰山被他將兩杓惡水驀頭澆了也當時集雲峯下自有正令何不施行大衆且道作麼生是正令咄圓悟勸云驅耕夫之牛奪飢人之食是從上來瓜牙這維漢具計多神通妙用到仰山面前直得目瞪口呿何故鶴有九臯難翥翼馬無千里謾追風湛堂準云諸禪德可惜仰山放過這漢當時若是寶峯便與擒住須教維那僧堂前撞鐘集衆責狀趕出況佛法不當人情伊旣稱羅漢我生

已盡梵行已立爲甚麼不歸家穩坐只管遊山翫水參南華曷領云遠離西竺路迢迢親向支那弄海潮若要清風生閭外拽來更與四藤條疎山如云小釋迦太文殊閑名號任稱呼藤條在握不能用被他碧眼謾塗糊

因果

世尊因調達謗佛生身入地獄遂令阿難傳問你在地獄中安不達云我雖在地獄如三禪天樂佛又令阿難傳問你還求出不達云我待世尊來便出阿難云佛是三界大師豈有入地獄分達云佛旣無入地獄分我豈有出地獄分

翠巖真云親言出親口徑山泉云旣無出分又無入

分喫甚麼作釋迦老子喫甚麼作提婆達多喫甚麼作
地獄還委悉麼自攜餅去沾村酒却著衫來作主人
湛堂準頌云好笑提婆達多入捺落十小劫波然得三
禪妙樂吹布毛須還爲窠

三祖調達如

三祖璨大師爲居士時謁二祖云弟子身纏風恙請和尚
懺罪祖云將罪來與汝懺士良久云覓罪了不可得祖云
我與汝懺罪竟且依佛法僧住士云今見和尚已知是僧
未審何名佛法祖云是心是佛是心是法法佛無二僧寶
亦然士云今日始知罪性不在內不在外不在中間如其
心然佛法無二也祖深器之即爲剃髮云是吾寶也宜名
僧璨執侍二載乃付達磨信衣正法眼藏說偈密囑護持
無令斷絕

琅琊覺云猶欠作云何梵在

佛國白頌云罪已無根性已空正生風颭不生風至今
山谷山前水一派清波入海中無爲子云潛溪水急
天柱峰高洞然明白不隔絲毫從來生計平如掌後世
兒孫弄海潮佛鑑懃云三祖以罪懺罪二祖將錯就
錯一陣清風劈面來罪花業果俱凋落靈卅一粒有神
功瘥病不假驢馳藥旻古佛云風恙纏身覓罪不得
九萬里程展摩霄翼五祖演云無孔笛子穩拍板五
音六律皆普徧時人不識黃幡綽笑道儂家登寶殿
百丈海禪師每上堂有一老人常隨衆聽法衆退老人亦
退忽一日不退師遂問汝是何人老云諾某甲非人也於
過去迦葉佛時曾住此山因學人問大修行底人還落因

應庵華云雲門露猛如虎達磨師不是祖豈不見鹽官
老須彌為槌虛空為鼓又不見永山老解打鼓休莽
甜瓜徹蒂甜苦瓠連根苦喝一喝又拈云光孝者一轉
語不是老僧見處亦非垂手為人何故豈不見道字經
三寫烏焉成馬

白雲端頌云簸土揚塵無避處將身直到御樓前回頭
不見來時路下是黃泉上是天正覺逸云石火流星
曾未急玳機電卷一何遲雲門露字突然出著眼看時
鷄子飛天童覺云露超宗越祖人言渠熱返魂香我
道伊搗塗毒鼓東林顏云椎鑼搗鼓轉船頭席卷波
翻喊激流洗脚上船乘快便順風相送下揚州

沐浴

世尊因跋陀婆羅并其同伴十六開士白佛言我等先於
威音王佛聞法出家於浴僧時隨例入室忽悟水因既不
洗塵亦不洗體中間安然得無所有宿習無忘乃至今時
從佛出家今得無學彼佛名我跋陀婆羅妙觸宣明成佛
子住

雪竇顯云諸禪德作麼生會他道妙觸宣明成佛子住
也須七穿八穴始得乃頌云了事衲僧消一箇長連牀
上展脚卧夢中曾說悟圓通香水洗來薰面唾塗毒
策云洗塵觸體兩空寂妙證密圓超見思白壁無瑕空
受玷圓通會裏受塗糊

佛名通神通之三

詩一

天蓋幽禪師因有一院名無垢淨光禪院化浴室有人問
既是無垢淨光為甚麼却造浴室僧無語後請師代師云

三秋明月夜不是騁團圓

丹霞淳頌云雖然茶盡深深意爭奈投機句未親欲會本來無垢的更須入水見長人

偃息

馮山祐禪師一日卧次見仰山來師乃轉面向壁卧仰云某甲是和尚弟子不用形迹師作起勢仰便出去師乃召云寂子仰回師云聽老僧說箇夢仰低頭作聽勢師云爲我原看仰取一盤水一條手巾來師遂洗面了纔坐香嚴入來師云我適來與寂子作一上神通不同小小嚴云某甲在下面了了得知師云子試道看嚴乃點一椀茶來師歎云二子神通智慧過於鶯子目連

佛鑑懃云夢中說夢深許馮山妙用神通須還二子傳

茶度水耀古騰今年老心孤憐兒惜子向衲僧門下一人在門外一人在門裏更有一人徧界不曾藏佛眼覷不見大馮智云馮山老人幸自日午高眠何用起來夢中說夢又道二子神通過於鶯子恁麼說話檢點將來正是破壞家門殊不知祇是兩箇了事底漢當時若一棒一條痕通身日杲杲豈不快哉

南堂靜頌云撥草瞻風孤峯獨宿鼓無絃琴唱無生曲馮仰香嚴鼎之三足臨機不費纖毫力任連分身千百億古德云取水烹茶不露機當時原夢善知時如斯始爲僊客鶯子神通豈及伊

鏡清付禪師問雪峰古人有言峰便卧良久起云問甚麼師再問峯云虛生浪死漢

投子青頌云尋常愛客恨無來及至人來懶話陪空卧
早知眠不當虛勞紅臉落寒灰

禪林類聚卷第十二

禪林類聚卷第十三

問疾

醫卜

藥餌

遷化

追忌

問疾

馬祖一禪師因不安院主問和尚近日尊位如何師云日
面佛月面佛

雪竇顯頌云日面佛月面佛五帝三皇是何物二十年

來曾苦辛為君幾下茶籠窺箇堪迷明眼衲僧莫輕忽
保寧勇云蒲團上端坐針眼裏穿線西風一陣來落葉
兩三片野軒蓮云少年公子忽猖狂半夜穿雲入洞
房二八僊娥百般巧眼睛之上繡鴛鴦真淨文云日
面月面胡來漢現一點靈光萬化千變無盡居士云
什邡駒子氣生獐蹴踏毗盧頂上行正患脾疼却頭痛
病來猶有巧心情南華曷云日面月面空中閃電額
杼停機現成招箭天童覺云日面月面星流電卷鏡
對像而無私珠在盤而自轉君不見鉗鎚前百煉之金
刀尺下一機之綯

大滄祐禪師問道吾甚處去來吾云看病來師云有幾人
病吾云有病底有不病底師云不病底莫是智頭隨不吾

云病與不病總不干他事急道急道師云道得也與他没交涉

天童覺頌云妙藥何曾過口神醫莫能捉手若存也渠本非無至虛也渠本非有不滅而生不亡而壽全超威音之前獨步劫空之後成乎也天蓋地擎運轉也鳥飛兔走

洞山因看病僧云火風離散時如何師云來時無一物去亦任從伊云爭奈羸癯何師云須知有不病者云如何是不病者師云悟則無分寸不悟隔山坡云前程還計卜度也無師云雖然果似漆成立在今時南堂靜頌云火風離散後一物鎮長靈佛國黃金地天堂白主亭前桂休卜度所至要惺惺一念心清淨人間

亦只寧

洞山因不安僧問和尚病還有不病者麼師云有云不病者還看和尚不師云老僧看他何分云和尚看他時如何師云老僧看時則不見有病

天童覺頌云卸却臭皮袋拈轉赤肉團當頭鼻孔正直下髑髏乾老醫不見從來癖少子相看向近難野水瘦時秋潦退白雲斷處舊山寒須勤絕莫瞞頂轉盡無功伊就位孤標不與汝同盤

玄沙示衆云諸方老宿盡道接物利生忽遇三種病人來如何接患盲者拈槌緊拂他又不見患聾者語言三昧他又不得聞患瘡者教伊說又說不得且作麼生接若接此人不得佛法無靈驗時有僧出云三種病人和尚還許商量

不師云許汝作麼生商量其僧珍重出師云不是不是當時地藏出云某甲有眼耳和尚作麼生接師云慚愧使歸方丈

後有僧持此語請益雲門門云汝禮拜著僧禮拜起門以拄杖拄之僧乃退後門云汝不是患盲復喚僧近前來僧纔近前門云汝不是患聾那復云還會麼云不會門云汝不是患瘧其僧於此有省法眼云我當時見羅漢和尚舉此僧語我便會三種病人雲居錫云只如此僧會不會若道會玄沙又道不是若道不會法眼爲甚麼道我因此僧語便會三種病人上座無事上來商量大家也要知雲竇顯舉了便喝云這盲聾瘧瘧漢若不是雲門驢年去如今有底或拈槌豎拂他又

管教伊近前他又不來問還會麼他又不應諾方還奈何得麼雪竇若不奈何汝這一隊驢漢又堪作甚麼以拄杖一持趁散天童覺云雲門平展這僧實酬且道悟在甚麼處不救之疾難爲針艾

白雲端頌云退後進前兼對辯相逢邂逅難回面春風驀地撼庭前還見落花千萬片佛鑑勸云雲門老子手親眼親因風吹火不費精神盲者便視聾者便聞雖然無語掛在口唇三種病人一種法門鼓山珪云盲聾瘧瘧接不得玄沙枉費閑心力扁鵲盧醫拱手歸三人俱是膏肓疾徑山杲云玄沙三種病人話透出雲門六不收莫待是非來入耳從前知已返爲讎

浮石禪師云山僧開箇卜鋪子能斷人貧富生死僧便問
離却貧富生死不落五行請師直指師云金木水火土
佛鑑歎云吉凶悔吝生乎動動靜興亡本乎心若以衲
僧無文印子一印印定毫髮無差浮石雖然解卜不會
斷卦若是智海即不然離却貧富生死不落五行請師
直指向伊道今日閻梨有灾待伊眼睛定動之間吉凶
自兆大鴻智云浮石爲人放不下有許多五行斷人
吉凶若是衲僧門下天不能蓋地不能載東西南北都
無罣礙大丈夫兒從來自在大圓焦麼說話還有傍不
肯底麼良久云一任鑽龜打瓦久久爲害爲灾塗毒
策云若向上觀貪富禍福吉凶皆爲其用這僧離却煩
惱別求安樂累他浮石不免爲蛇畫足今時人纔見道

金木水火土便道大好不好不落五行不識鉤頭意錯認定
盤星有者又道閻梨今日有灾未免識情卜度畢竟如
何莫恠來源萬丈高一條界破青山色

西禪需頌云金木水火土始終須倒數五六下四三初
爻傳白虎苦苦卜得此卦一生貧遠信不來病人死

藥餌

文殊一日令善財採藥云是藥者採將來善財徧觀大地
無不是藥却來白文殊云無有不是藥者文殊云是藥採
將來善財遂拈一枝草度與文殊文殊提起示衆云此藥
亦能殺人亦能活人

五祖戒出善財語云慚愧首山念云文殊大似掩耳
偷鈴琅琊覺云文殊可謂誠實之言要且額頭汗出

口裏膠生。大滄詰云善財能採文殊能用非但寢疾
毗耶直饒盡大地人抱必死之疾到文殊所教他箇箇
脫體而去何故解用不須霜刃劒延齡何必九還丹
應庵華云大小文殊破善財換却眼睛。東山空云善
財拈來只是尋常草木文殊提起未爲出格神醫後來
望風乃高其價東山謂伊兩人未免俱在草裏。
保寧勇頌云大地蒼生病似麻吉祥靈藥示無涯其間
殺活難分辨又是重添眼裏花。楚安方云善財拈起
一枝草持來度與文殊老殺活雖然在手中遍界不藏
光杲杲。雲溪恭云歷劫何曾異明明百草頭甘和苦
滋味死活病須瘳好笑文殊老隣兒不覺羞。佛印元
云是藥拈來更不疑師資相見在臨時從茲病甚無醫

起殺活還應作者知。正覺逸云信手拈來草最靈一
技能殺亦能生男姝室利開金口直至而今藥道行
照覺總云藥病相治貶更褒當機生殺按吹毛毗盧海
闊煙波靜誰把長竿釣巨鰲。

雲門偈禪師示衆云藥病相治盡大地是藥那箇是自己
五祖戒頌云藥忌由來鑑作家示徒親切病如麻十方
三世諸知識赫日光中雷電車。雪竇顯云盡大地是
藥古今何太錯閉門不造車通途自寥廓錯錯鼻孔透
天亦穿却。白雲端云左眼不見山河右眼不見日月
直得百花開時一一爲君分別。

遷化

世尊於涅槃會上以手摩脅告衆云汝等善觀吾紫磨金

乳活達之活雲內之乳進行アリ

色之身瞻仰取足勿令後悔若謂吾滅度非吾弟子若謂
吾不滅度亦非吾弟子時百萬億衆悉皆契悟

雲峰悅云然則膏肓之門不足以發藥雲峯今日且作
死馬醫爾等諸人皮下有血脈

佛鑑勸頌云言吾入滅非吾子言吾不滅亦非親但見
落花隨水去不知流出洞中春釋迦老子若爲隣臨行
賣弄紫金身雙林盡道泥洹也夜夜群星拱北辰

世尊般涅槃日迦葉尊者最後而至世尊乃於擲中露雙
趺示之迦葉尊者乃作禮請如來以三昧火而自闍維即
時金棺從七寶牀昇舉遶俱尸羅城七市却還本剎化火
光三昧而自焚之

地藏恩頌云慚愧老胡擲示雙趺金色尊者還會也無

目前措得未辨精麁遠七巾兮成何事箇箇男兒是丈
夫佛鑑勸云未出王宮已涅槃何須雙足露金棺致

令迦葉雙眉皺慶喜門前倒刹竿

漸源又一日將鋏子於法堂上從東過西從西過東石霜
云作甚麼源云覓先師靈骨霜云洪波浩渺白浪滔天覓
甚麼先師靈骨雪竇著語
蒼天蒼天源云正好著力霜云這裏針劄
不入著甚麼力源持鋏肩上海出

太原孚云先師靈骨猶在明招謙云莫道作甚麼別
下得甚麼語代云鸛鵲語鶴又代漸源便擲下鋏子云
噫淺水無魚

雪竇顯頌云兕馬有角牛羊無角絕毫絕釐如山如嶽
黃金靈骨今猶在白浪滔天何處著無處著隻履西歸

曾失却。保寧勇云終日挨門復倚樓。幾回明鏡照梳頭。一從事却潘郎後也解人前不識羞。長靈卓云木人把板雲中唱。石女穿靴水上行。生死死生休更問。從來日午打三更。圓悟勤云生也全機現。死也全機現。不道復不道。箇中無背面。直下便承當。不隔一條線。逼塞太虛空。赤心常片片。夢庵信云當時苦口曾不道。悟來靈骨方圓。討練江寒月兩蕭蕭。浮雲散盡天如掃。洞山价禪師僧問亡僧遷化向甚麼處去。師云火後一莖茆。又一日僧問。東山。亡僧遷化向甚麼處去。師云。白雲端云。龍門即不然。亡僧遷化向甚麼處去。答云。墻壁有耳。投子青頌云。野火燒時。越轉新。至今煙燄雨難霖。旱地。

紅蓮遊日月，無根樹長綠。成陰佛智裕，云善應隨流。
妙意深，明明一箭中。紅心當鋒，不是由基眼。對面鐵山
高萬尋，枯木成云。春風吹動，淥波搖無限。船師逐海
潮，只見江鷗飛白浪。豈知明月在雲霄。

臨濟玄禪師臨遷化垂示云吾去後汝等諸人不得滅却
吾正法眼藏三聖出云誰敢滅却和尚正法眼藏師云後
或有人問你又作麼生道聖便喝師云誰知吾正法眼藏
向這瞎驢邊滅却師乃示頌云沿流不止問如何真照無
偏說自他離相離名人不稟吹毛用了急還磨言訖於法
座上端然示寂

後人失望若不得流水多應過別山護國元云諸禪
客若能向斬釘截鐵處明得臨濟一宗掃土而盡其或
未然山僧爲汝諸人露箇消息以拄杖卓一卓復舉起
云還見麼鯨吞海水盡露出珊瑚枝本云云云
黃龍南頌云圓寂將歸叙別時叮嚀法眼好任持喝下
不開泥水路瞎驢從此少人騎白雲端云劈破泰山
雷未猛照開滄海月非光瞎驢滅却正法眼直得哀聲
振大唐保寧勇云出門握手拜叮嚀往往事從叮囑
生路遠夜長休把火大家吹殺暗中行法眼
石霜諸禪師遷化衆請首座住持時九峰虔禪師爲侍者
白衆問首座云先師道休去歇去冷湫湫地去一條白練
去古廟香鑪去一念萬年去明甚麼邊事會得即住持會

不得不可首座對云明一色邊事虔云與麼則不會先師
意在座云但裝香來香煙斷處若去得即會先師意若去
不得即不會虔遂焚香香煙未斷首座遂脫去虔以手拊
首座背云坐脫立亡即不無先師意未夢見在

雲居舜云你等諸人且作麼生會諸人會處便道首座
與麼說是說道理所以虔侍者不肯伊太愚道虔侍者
盡平生見解只具一隻眼南華曷云透生死關高超
世表乘殺活劍獨據寰中若非智眼洞明未免扶離摸
壁要會麼春蘭與秋菊各自一時榮西禪需云虔侍
者雖然爲衆竭力未免禍出私門若人檢點得出與你
一貼茶

丹霞淳頌云帶角披毛異類身寒灰枯木眼中塵雖然

未盡先師意爭奈臨行一著親開福寧云一片虛凝
亘古今麟龍頭角競踈親坐亡立脫知多少鐵樹花開
別是春無盡居士云香煙淡淡風飄處首座凝凝脫
去特不是又參虔侍者石霜巴鼻有誰知

洛浦安禪師臨順寂告眾云吾非明即後也今有事問汝
等若道這箇是即頭上安頭若道這箇不是即斬頭覓活
第一座云青山不舉足日下不挑燈師云如今是甚麼時
節作這箇語話有彦從上座出云離此二途請和尚不問
師云未得更道云彦從道不盡師云我不管汝盡不盡云
彦從無侍者祇對和尚師至深夜令侍者喚彦從來方丈
問云你今日祇對老僧甚有道理據汝合體得先師意先
師道目前無法意在目前不是目前法非耳目之所到且

道那句是主若擇得出分付鉢袋子云彦從不會師云汝
合會但道看云彦從實不會師喝出乃云苦苦次日午前
有僧舉前話問師師云慈舟不掉清波上劍峽徒勞放水
鵝即便告寂

玄覺云且道從上座實不會是怕見鉢袋子拈著伊
天童覺頌云餌雲釣月釣清津年老心孤未得鱗一曲
離騷歸去後汨羅江上獨醒人

紙衣道者因曹山問莫是紙衣道者麼師云不敢山云如
何是紙衣下事師云一裘纔掛體萬法悉皆如山云如何
是紙衣下用師近前應諾便立脫去山云汝只解恁麼去
且不解恁麼來師忽開眼問一靈真性不假胞胎時如何
山云未是妙師云如何是妙山云不借借師便珍重却坐

脫曹山乃有頌云覺性圓明無相身莫於知見強疎親念
異便於玄體昧心差不與道相隣情分萬法沈前境識鑑
多端喪本真如是句中全曉會了然無事舊時人

南堂靜頌云紙衣下事不假胞胎懸崖撒手襁褓嬰孩
涅槃會上道場開單傳直指狀元來

芭蕉徹禪師僧問有一人不捨生死不證涅槃師還提攜
也無師云不提攜云爲甚麼不提攜師云老僧粗識好惡
天童覺云芭蕉雖然識好惡且不能牽耕夫之牛奪飢
人之食如今若有人問長蘆便和聲打爲甚麼如此我
從來不識好惡

投子青頌云百歲兒童山戶來滿身紅爛惹塵埃火中
閑步清涼地識者無因敢近擡

天衣懷禪師云百骸俱潰散一物鎮長靈百骸潰散皆歸
土一物長靈甚處安

南堂靜頌云一物長靈甚處安長空雲散碧天寬蓮宮
佛刹花無數貶起眉毛子細觀

追忌

南泉願禪師爲馬祖忌日設齋垂語云未審馬祖還來應
供不洞山乃出衆云待有伴即來師云此子雖後生却堪
雕琢山云莫厭良爲賤

南堂靜頌云千尺絲綸直下垂一波纔動萬波隨江上
晚來堪盡處漁翁披得一蓑歸

禪林類聚卷第十三

禪林類聚卷第十四

歲時

解結

日月

風雲

雨雪

水火

歲時

趙州諗禪師僧問十二時中如何用心師云諸人被十二時使老僧使得十二時

松源岳云也是徐六擔板

鼓山珪頌云百年三萬六千日一日朝昏十二時使殺老僧渾不管不知闇裏有誰知徑山杲云使得十二

時辰呼來却教旦去倚官挾勢欺人茫茫無本可據

洞山价禪師僧問寒暑到來如何回避師云何不向無寒暑處去云如何是無寒暑處師云寒時寒殺闍黎熱時熱

殺闍黎

投子云幾乎與麼去

琅瑯覺云我即不然如何是無

寒暑處僧堂裡去

白雲端云洞山百味具足後來又

合如何忽有人問圓通如何是無寒暑處譬秦便棒參

南堂靜云寒暑到來如何回避日月星辰山河大地迷

則靈龜曳尾悟則猛虎揮翅只如不迷不悟又如何商

量良久云白雲斷處見明月黃葉落時聞搗衣

大道泉頌云無寒暑如何唱和熱即乘涼寒即向火

多口阿師一場懡㦬人人盡欲出常流折合還歸炭裏

坐雪竇頌云垂手還同萬仞崖正偏何必在安排琉璃

古殿照明月忍俊韓獪空上堦湛堂準云熱時熱

殺寒時寒寒暑由來總不干行盡天涯誚世事老若頭

戴楮皮冠長虛卓云偏中有正正中偏流落人間千
百年幾度欲歸歸未得門前依舊草芊芊

疎山仁禪師僧問如何是冬來意師云京師出太黃

密庵傑頌云有問冬來事京師出太黃貧他一粒米失

却半年糧西禪需云京師出太黃不許謾商量貴買

還賤賣纔喫便郎當松源岳云京師出太黃見賊便

見賊竹杖化龍去癡人夜塘

雲門偃禪師示衆云十五日已前不問汝十五日已後道

將一句來自代云日日是好日

天童覺云屬虎人本命屬猴人相衝

雪竇顯頌云去却一拈得七上下四維無等匹徐行踏

斷流水聲縱觀寫出飛禽跡草茸茸煙暮暮空生巖畔

花狼籍彈指堪悲舜若多莫動著動著三十棒海印

信云日日是好日風來樹點頭九江煙靄裏月上謝家

樓大洪恩云日日是好日誰言無等匹甜瓜徹蒂甜

未必甜如蜜上方益云冰消河北岸花發樹南枝到

處有春色天涯亦早歸

雲門僧問如何是雲門一曲師云臘月二十五云唱者如

何師云且緩緩

南堂靜云南堂即不然忽有人問如何是南堂一曲遂

作鼓琴聲勢良久云好麼大哥只是不許人借

黃龍南頌云雲門一曲二十五不涉宮商角徵羽有人

問我曲因由南山起雲北山雨真淨文云臘月二十

五騎驢不打鼓春風百草生塚上添新土圓通僊云

憶昔雲門老古錫，曾將今日示當機。奇哉二百年來事，長作胡笳曲調吹。大洪遂云：一曲韶陽古調清，多年木石化為精。廣陵傳去人何在，留得杜鵑啼月明。長靈卓云：雲門曲調格，何高轉使愁人不。奈何明月清風無價數，一時分付與僊陀。

曹山霞禪師問僧：可殺炎熱。僧云：是師云：只如炎熱向甚麼處回避。云：向鑊湯爐炭裏回避。師云：只如鑊湯爐炭裡作麼生回避。云：衆苦不能到。師默置。一本異

松源岳云：或問：靈隱恁麼熱，向甚麼處回避也。只向他道：鑊湯爐炭裏問。鑊湯爐炭裏如何回避。云：風恬浪靜，丹霞淳頌云：崑崙片玉火中潤，碧落孤蟾水底圓。一念惺然無異色，任從滄海變桑田。

首山念禪師僧問：如何是學人親切處。師云：五九盡日又逢春。云：畢竟如何。師云：冬到寒食一百五。

投子青頌云：日暮陰雲郊野深，重陽到後菊花新。不因西嶠殘冰盡，爭得東山一帶春。

佛眼遠禪師因讀靈源十二時歌，有偈云：一日日一時時，龍門老心自知。

鼓山珪頌云：時時日日日，時時七顛八倒。孰是孰非，徑山杲云：日日日，時時時，時違時失，候箇老古錫。

解結

洞山价禪師示衆云：秋初夏末，兄弟東去西去，直須向萬里無寸草處去。始得。又云：只如萬里無寸草處，作麼生去。後有僧舉似石霜，霜云：何不道出門便是草。僧回舉似師。

師焚香望石霜拜云大唐國裏能有幾人
東禪齊云且道石霜會洞山意不若道會去只如諸上
座每日折旋俯仰迎來送去爲當落路下草爲當一一
合轍若言不會洞山意又爭解恁麼下語還有會麼
上座擬甚麼處去於此若明得可謂還鄉曲也不見也
會著箇語云恁麼即不去也 大陽延云如今直道不
出門亦草漫漫地且道合向甚麼處行履良久云莫守
寒巖異草青坐著白雲宗不妙 白雲端云若見得石
霜便見得洞山老人若見得洞山老人便見得石霜洞
山却易見石霜却難見爲他不爲住持之絆不見道雲
在巖頭閑不徹水流澗下太忙生 徑山杲云獅子一
滴乳迸散六斛驢乳

疎山如頌云不出漫漫草路遮出門猶更隔天涯回機
踏著通霄路何處青山不是家 佛慧泉云出門便是
太忙然萬里無來未得圓欲識家山歸去路暮煙輕鎖
綠綿綿 佛眼遠云出門便是草閑殺龍門老北去禮
文殊南來登五老鬢髮已蒼浪言歸恨不早獨立秋風
前相思望江嶋好好不用更尋討 天童覺云草漫漫
門裏門外君自看荆棘林中下脚易夜明簾外轉身難
看看幾何般且隨老木同寒瘡將逐春風入燒瘢
昔有一老宿一夏不與師僧說話有僧自歎云我只恁麼
空過一夏不敢望和尚說法得聞正因兩字也得老宿
聞乃云聞黎莫暫速若論正因一字也無道了扣齒云適
來無端不合與麼道陞壁有一老宿聞得云好一金囊被

提起飯袋子三頓方知徹骨寒 保寧勇云三頓當
打不回鐵門重擊鎖方開堪嗟不蓄一粒米十字街頭
接往來 慈受深云去年八月離湖南行盡千山與萬
山小與雲門三頓棒安知虎體有玄班 佛眼遠云奉
君三頓曲周遮箇厚雲門老作家渡水穿雲五湖客欲
將何物當生涯 文殊道云問荅分明豈偶然須知道
耳是忠言洞山眼似銅鈴轉剛被雲門三頓瞞
翠巖參禪師夏未示衆云一夏已來爲兄弟東語西話看
取翠巖眉毛在也無

保福云作賊人心虛 長慶云生也 雲門云關 翠
巖云爲衆竭力禍出私門又云何故如是得人一牛
還人一馬 保寧勇云笑殺大衆

雪竇顯頌云翠巖示徒千古無對關字相酬失錢遭罪
老倒保福抑揚難得嘮嘮翠巖分明是賊白珪無玷誰
辨真假長慶相諍眉毛生也 死心新云作賊保福擔
枷過狀生也長慶迷真逐妄掩關雲門秋江月亮老倒
翠巖眉在眼上 大洪遂云青山岌岌淥水滔滔穿過
鼻孔落盡眉毛

日月

馬祖一禪師因百丈南泉西堂三人隨侍翫月次師問正
當與麼時如何西堂云正好供養百丈云正好修行南泉
拂袖便去師云經入藏禪歸海惟有普願獨超物外
神鼎誣云只爲老婆心切 翠巖真云神鼎叔翁云只
爲老婆心切翠巖即不然垂萬里鉤駢千里烏騅布緡

天網收衝浪巨鱗，還有麼有則衝浪來相見，如無目歸
巖下待月明。開福寧云：諸禪德馬大師等閑舒卷妙
手，天然也是貪觀雲裏鴈，失却渡頭船。若人檢點得出，
披毛遊火，聚戴角混塵泥，其或見處朦朧，爲你下箇註
脚，經入藏，禪歸海，未是衲僧親到底。拂袖便行，歸去來
擊碎重關門。大啓：重關既啓，還有見馬祖者麼？良久云：
休休！長安夜夜家家月，幾處笙歌幾處愁。虎丘隆云：
奇怪！諸禪德馬駒踏殺天下人，一擲直教一掌血及乎
三丈上。長安風不覺翻成老，終心切義林告告商量。

都那王直起兵欲篡王位
仲堪等起兵距郛艾鎗
第二將

志呼來月下，問蹤由。眼睛箇箇皆相似。徑山杲云：國
清才子貴，家富小兒嬌。大家出隻手，彼此不相饒。

藥山儼禪師一夜登山，經行忽然雲開，見月。師乃大笑一
聲，應澧陽東九十許里居民盡謂東家明辰送相推問，直
至藥山，徒衆云：昨夜和尚山頂大笑。

李翱尚書贈頌云：選得幽居快野情，終年無送亦無迎。
有時直上孤峯頂，月下披雲笑一聲。塗毒策云：古德
隋緣放曠，任意經行。纔立峻峯頭，清聲滿寰宇。山僧亦

天網收衝浪巨鱗還有麼有則衝浪來相見如無且歸
巖下待月明 開福寧云諸禪德馬大師等閑舒卷妙
手天然也是貪觀雲裏鴈失却渡頭船若人檢點得出
披毛遊火聚戴角混塵泥其或見處朦朧爲你下箇註
脚經入藏禪歸海未是衲僧親到底拂袖便行歸去來
擊碎重關門大啓重關既啓還有見馬祖者麼良久云
休休長安夜夜家家月幾處笙歌幾處愁 虎丘隆云
奇恠諸禪德馬駒踏殺天下人一擲直教一掌血及乎
三大士各展家風不覺翻成老婆心切叢林浩浩商量
盡道翫月話奇特檢點將來克由叵耐正當恁麼時如
何三人證龜成鼈
海印信頌云三獸渡河深淺別不勞精辨迥然分爭如

巨浸張帆者不顧波濤過海門 照覺總云經入藏禪
歸海唯有普願獨超物外咄只有照壁月且無吹葉風
大鴻喆云馬師曾翫月三子左右侍吹笛無孔笛清音
括天地 佛性泰云張公養得三箇兒長大不知誰立
志呼來月下問蹤由眼睛箇箇皆相似 徑山杲云國
清才子貴家富小兒嬌大家出隻手彼此不相饒
藥山儼禪師一夜登山經行忽然雲開見月師乃大笑一
聲應澧陽東九十許里居民盡謂東家明辰送相推問直
至藥山徒衆云昨夜和尚山頂大笑
李翱尚書贈頌云選得幽居悵野情終年無送亦無迎
有時直上孤峯頂月下披雲笑一聲 塗毒策云古德
暗緣放曠任意經行纔立峻峯頭清聲滿寰宇山僧亦

楞嚴經云
五十二身
所一肝五臟
一膽三利
三毒渴思水
三飲不思水

有一頌塗毒從來要任緣遶天鼻孔被渠穿冒暑登途
過西浙他年衣鉢有誰傳

槃山積禪師示衆云心月孤圓光吞萬象光非照境境亦
非存光境俱忘復是何物

雲門云直饒與麼道猶在半途未是透脫一路僧便問
如何是透脫一路師云天台華頂趙州石橋又拈云東
海裏藏身須彌山上走馬復以拄杖打禪床一下大衆
眼目定動乃拈拄杖趁散云將謂剎利這漆桶大愚
芝拈起拂子云微塵諸佛光明總在這裏照破你諸人
心肝五臟脾胃肝膽袖僧面前不得道著切宜忌口擊
禪床下座 禾山方云山河大地燈籠露柱厨庫三門
皆是光境作麼生是真實諸人輪轉三界者蓋爲不了

目前法從生至死無有了期快須薦取莫待雪鬢銀髭
臨渴掘井悔將不及 徑山杲云白鷺下田千點雪黃
鸝上樹一枝花

月堂昌頌云光非照境境非存光境俱忘復是痕百鳥
不來春已老落花流水遶江村 松源岳云描不成寫
盡不成卧龍長怖碧潭清擬心湊泊終難會達者應須
暗裏驚

長沙岑禪師一夕與仰山翫月次仰云人人盡有這箇事
祇是用不得師云恰是倩汝用去仰云你作麼生用師乃
與一踏踏倒仰山起來云爾直下似箇大蟲傳煥作
長慶稜云前彼此作家後彼此不作家乃別云邪法難
扶 保福展云好一箇月只是用力太多被他踏破却

番身正三

已不已
造次急遽

撼

成兩箇人人盡道岑大蟲奇特須知仰山有陷虎之機
 德山圓明代更與一踏琅瑯覺云李陵雖好手爭免
 陷番身達觀頴云仰山喚作大蟲因聖道似箇狂狗
 徑山杲云皎潔一輪寒光萬里剎利者葉落知秋偈齮
 者忠言逆耳不休已不已小釋迦有陷虎之機老大
 蟲却無牙齒當時一踏豈造次驀然倒地非偶爾眾中
 還有緇素得二老出者廢良久云設有也是掉捧打月
 曹源生頌云浮雲散盡月當空鬼子懷胎產大蟲跳出
 風前弄牙爪至今撼動廣寒宮
 投子同禪師僧問月未圓時如何師云吞却三箇四箇云
 圓後如何師云吐却七箇八箇
 南堂靜云若不會祖師西來意這因緣卒摸索不著在

月三日夜月十四日夜月
 多行禪之修行入座禪
 三更
 也

搏

若是田地穩密底方知落趣然雖如是大階即不然或
 有問月未圓時如何只向道六合含渾氣象清圓後如
 何爛銀盤出百邪驚鼓山珍云投子和尚雖然善能
 吞吐要且未知月之所在或問鼓山月未圓時如何只
 對他道天上有星皆拱北圓後如何人間無水不朝東
 月堂昌云投子只知得路便行不覺渾身泥水瑞光即
 不然月未圓時如何布施不如還却債圓後如何借婆
 裙子拜婆年徑山杲云三箇與四箇七箇與八箇數
 日甚分明無人數得過既是數日分明為甚無人數得
 過良久云道士著白襪且非真措大
 洞山聰頌云七八雖然正好觀四三焉得便瞞頂靈光
 萬古輝天地隱顯尋常不用搏投子青云圓闕曾伸

禪月
 禪月
 禪月

問老翁石龜啣子引清風昨朝木馬潭中過踏出金烏
半夜紅保寧勇云吞却三四枚吐出七八箇吞吐總
完全不知是甚麼正覺逸云圓後圓前作者知四三
七八解呈機令人長笑善吞吐留與叢林作是非
雲門偃禪師因僧問佛法如水中月是不師云清波無透
路云和尚從何得師云再問復何來云便恁麼去時如何
師云重疊關山路

白雲端頌云灼然水月非難取自是時人手不親韶石
老師拈出了關山重疊越光新圓悟動云徧界不藏
清波澄寂互換投機箭鋒相直提起向上鉗鎚石火電
光莫及便恁麼隔關山碧潭雲外不相關
揚岐會禪師僧問撥雲見日時如何師云東方來者東方

坐

白雲端頌云堯舜垂衣萬國賓撥雲見日意休陳東方
來者東方坐草木重露雨露新

智門祿禪師僧問如何是般若體師云蚌含明月僧問如
何是般若用師云兔子懷胎

雪竇顯云非唯把定世界亦乃安貼家邦若善能參詳
便請卅霄獨步黃龍新云如何是般若體一堆屎如
何是般若用屎堆裏蟲南堂靜云古人是則是答得
太高生若是老僧即不然如何是般若體一穀一米如
何是般若用七擒七縱應庵華云兩箇漆桶一時話
墮了更添一枚如何是般若體相見便無禮如何是般
若用從來愛打關且道三箇漆桶還有優劣也無若檢

梅
ハ
ナ
シ
ル

點得出計你具頂門眼

雪竇頌云一片虛凝絕謂情天人從此見空生蚌舍玄
兔深深意曾與禪家作戰爭佛鑑勸云蚌舍明月秋
波冷兔子懷胎夜魄寒皎皎清光成一片直須回首好
生觀長靈卓云蚌舍明月兔懷胎無限禪人擘不開
鐵眼銅睛何擬擬三千里外笑哈哈

風雲

世尊因外道問不問有言不問無言世尊據坐良久外道
讚歎云世尊大慈大悲開我迷雲令我得入乃作禮而去
阿難尋白佛言外道得何道理稱讚而去世尊云如世良
馬見鞭影而行法眼因百丈常請益叙語未終眼云住住汝擬向世尊

良久處會那丈從此悟入五祖戒云大小世尊被阿
難一狀領過又出語云汝何所問雪竇顯云邪正不
分過猶鞭影又云諸禪德迷雲既開決定見佛還許他
同參也無若共相委知則天下宗師並為外道伴侶如
各非印證則東土衲僧不知西天外道道吾真云世
尊隻眼通三界外道雙眸貫五天楊岐會云世尊輟
已從入外道乃因齋慶讚大鴻喆云外道懷藏寶鏡
世尊親為高提森羅顯煥萬象歷然又得阿難金鐘非
擊四眾共聞然雖如是大似二龍玩珠長他智者威靈
汾陽昭頌云鞭影分明指似君多聞警地爽精神汾陽
報汝諸禪侶信手拈來莫厭塵淨照臻云特地慙慙
問有無因風應不費工夫迷雲綻得開今入未免區區

爽
ハ
チ
カ
シ
カ
シ

陶潛葛琴一張
 散紙不見每
 起也但識琴中
 落行一處
 張

卷之四

1. 4. 1. 1.

張

同六
五
四
三
二
一

在半途。佛眼遠云：果日連天，照有無孰云善逝坐跏趺。如今要見當年事，邪正由來在半途。鼓山珪云：迷悟髑髏前，何勞更舉鞭。只持雞狗戒，不學祖師禪。六祖能大師於黃梅受法，辯五祖祖令，隱於懷集四會之間，屆南海遇印宗法師於法性寺。暮夜風颺，剎幡聞二僧對論，一云幡動，一云風動。往復酬答，曾未契理。師云：可容俗流，輒預高論。不乃云：不是風動，不是幡動，仁者心動耳。印宗聞語，竦然異之，遂問其由。師以實告之。印宗於是集衆請開東山法門。師遂落髮披衣，受戒即廣州天寧寺也。雪峯云：大小祖師龍頭蛇尾，好與二十棒。上座侍次，巖菡峯云：我與麼道也，好與二十棒。保福展云：作賊人心虛，也是蕭何制律。巴陵鑑云：祖師道，不是風動。

不是幡動，既不是風，幡向甚麼處著。有人與祖師作主出來，與巴陵相見。雪竇顯云：雪竇道風動，幡動，既是風，幡向甚麼處著。有人與巴陵作主，亦出來與雪竇相見。應庵華云：一盲引衆盲，相牽入火坑。

瑞鹿先頌云：非風幡動，唯心動。自古相傳，直至今。今後水雲徒欲曉，祖師真是好知音。天衣懷云：不是風兮，不是幡。斯言形已播，人間要會老盧端的意。天台南嶽萬重山，法昌遇云：不是風兮，不是幡。黑花猫子面門斑，夜行人只貪明月不覺和衣渡水寒。道場如云：滄溟直下取驪珠，靚面相呈見也。無到此不開真正眼膏肓之病，卒難蘇。夢庵信云：相爭但見風，風幡動不肯回頭。識動心從此，老盧露消息。松風江月盡知音。

下
開先暹云停囚長智當時待伊道今日風頭稍硬歸暖
勸說話去來但拊掌各自歸堂教這老漢一場懺懺
開福寧頌云風頭坐斷進還難衲子相將不易看未到
潼關天已曉不堪回首望長安 佛性泰云風前露出
無瑕壁室內聲將無價珠兩度獻渠渠不識可憐流落
在江湖 鼓山珪云風頭稍硬難安立暖氣纔通瞌睡
來却笑明招閑費力無端兩處強差排 徑山杲云夜
半明星當午現愚夫猶待曉雞鳴可憐自呆不知臭又
欲重新拈似人

雨雪

二祖可大師聞達磨初至少林遂往彼晨夕參扣但端然

二祖
神光自惟傳灯

碧山石之題外三變系破空電隨本則九臂引

群品
莫

面壁莫聞誨勵師志益堅乃云古人求道敲骨取髓刺血
濟飢布髮掩泥投崖飼虎古人如此我何人哉其夜天大
雪師到庭際侍立忘歸翌日積雪齊腰磨憫而問云汝久
立雪中當求何事師悲泣云惟願和尚慈悲開甘露門廣
度群品磨云諸佛無上妙道曠劫精勤難行能行非忍而
忍豈可以小德小智輕心慢心欲冀真乘徒勞辛苦師聞
示誨其志彌專乃取利刀自斷左臂置於磨前磨云諸佛
最初求道為法忘形汝今斷臂吾前求亦可在師云諸佛
法印可得聞乎磨云諸佛法印匪從人得師云我心未安
乞師安心磨云將心來為汝安師云覓心了不可得磨云
我為汝安心竟師於此悟入我為汝安心竟了不可得
五祖戒云大似對面相瞞又云若只與麼何用西來

金一書
一棒
三書

芭蕉徹云金剛與泥人指背 五祖演云白雲當時若
見好與二十棒何故他人覩見將謂兩箇說安心法畢
竟如何菩薩龍王行雨潤漑身向上數重雲
汾陽昭頌云九年面壁待當機立雪齊腰未展眉恭敬
願安心地法覓心無得始無疑 白雲端云終始覓心
不可得寥寥不見少林人滿庭舊雪重知冷鼻孔依前
搭上唇 無盡居士云覓心不得已安心屠肆婦坊嗣
少林爭奈子孫嫌直截諸方五味苦參尋
龐蘊居士因舁藥山山命十人禪客相送至門首士乃指
空中雪云好雪片片不落別處時有全禪客云落在甚處
士遂與一掌全云居士也不得草草士云恁麼稱禪客閣
羅老子未放你在全云居士作麼生士又與一掌云眼見

如盲口說如症

雪竇顯別云初間但握雪團便打又頌云雪團打雪團
打龐老機關沒可把大上人間不自知眼裏耳裏絕蕭
灑蕭灑絕碧眼胡僧難辨別

高沙彌一日出庵值雨藥山見來乃云你來也師云是山
云可殺濕師云不打這鼓笛雲巖云皮也無打甚麼鼓道
吾云鼓也無打甚麼皮山云今日大好曲調

丹霞淳頌云偶爾垂言借問伊知音爭使落今時胡家
不犯宮商曲玉笛同將劫外吹

雲居膺禪師因劉禹端公問雨從何來師云從端公問處
來劉遂禮三拜歡喜讚歎師却問瑞公問從何來劉無語
歸家三日而死有老宿代云適來道甚麼

歸宗系別云謝和尚再三徑山杲云劉禹瑞公無語
歸家三日而死正肥著洪覺痒處只是不知轉身一路
當初待伊道問從何來但依前禮三拜歡喜而退且教
洪覺疑三十年

雪竇顯頌云風作何色雨從何來不用彈指樓閣門開
波波稜稜南方未回

鏡清付禪師問僧門外甚麼聲云簷頭雨滴聲師云衆生
顛倒迷已逐物云某甲只恁麼和尚作麼生師云忌不迷
已云忌不迷已意旨如何師云出身猶可易脫體道應難
琅琊覺云得即得大似平地上陷人黃龍心云說難
說易轉見迷已要不迷已如今喚作甚麼聲
雪竇顯頌云虛空雨滴聲作者難酬對若謂曾入流依

二子トモニ大雨

前還不會會不會南山北山轉露霽無爲子云是甚
麼聲雨滴浩浩迷已逐物衆生顛倒長靈卓云簷前
雨滴聲正在眼中鳴貪他甚麼些者失却舊茅亭

巴陵鑑禪師僧問如何是提婆宗師云銀櫬裏盛雪
雪竇顯頌云老新開端的別解道銀櫬裏盛雪九十六
箇應自知不知却問天邊月提婆宗提婆宗赤旛之下
起清風保寧勇云人天會上分緇素龍象堂前定是
非選甚邪魔并異類好教齊向此中歸佛性泰云銀
櫬裏盛雪冰壺含寶月縱具四維隆到此虛搖舌西天
今嚴此土還別

外道可地本名也

水火

龐蘊居士問馬祖不與萬法爲侶者是甚麼人祖云待汝

一口吸盡西江水來即向汝道士於言下有省悟
保寧勇代云和尚太多口生玉泉璉云問麴體露無
依荅時堆山積嶽賓主互換針芥相投如空藏空似鏡
照鏡諸人還知二老落處麼誰家別館池塘上一對鴛
鴦盡不成

白雲端頌云一口吸盡西江水萬古至今無一滴要知
黨理不黨親馬祖可惜口門窄保寧勇云風吹日炙
露屍骸泣問僊人覓地埋忍俊不禁多口老陰陽無處
可安排石門易云借問乾坤獨步人全提分付太言
親西江吸盡無涓滴誰解喉門鎖要津

趙州僧問初生孩兒還具六識也無師云急水上打毬子
其僧却問投子急水上打毬子意旨如何子云念念不停

流

雪竇顯頌云六識无功伸一問作家曾共辨來端茫茫
急水打毬子落處不停誰解看白雲端云何謂識兮
還具六八萬四千殊不足初生孩子尚喃喃急水打毬
攔口築

趙州一日敲火問僧云老僧喚作火汝喚作甚麼僧無語
師云不識玄旨徒勞念靜

法燈欽別云我不如汝
老衲證頌云趙州眼放光燦破四天下鉢盂上安柄至
今成話攔

茶菓禪師因趙州將拄杖上法堂東觀西觀師乃問作甚
麼州云探水師云我這裡一滴也無探箇甚麼州遂將拄

扶靠壁而去

探抹取

大瀉詰云趙州善能探水不犯波瀾茱萸一滴也無爭
柰關防不得琅瑯覺云世亂奴欺主年衰鬼弄人
應庵華云茱萸一滴也無滔天白浪趙州以杖靠壁不
犯波瀾雖然二老同死同生爭柰明果未肯放過在
趙州潭明云趙老雲叔山嶽露茱萸雨過竹風清誰家別
館池塘裏一對鴛鴦畫不成
保寧勇頌云逐步移移探淺深果然滄海碧沈沈一雙
足跡分明在將謂歸家不可尋 佛鑑勸云古今難透
趙州關取次施爲不等閑杖子靠來斜倚壁輕如毫髮
重如山 徑山果云深淺脚將拄杖探忽然平地起波
瀾傾瀉倒嶽驚大地到海方知徹底乾

瀉山祐禪師在白丈時夜侍立次丈云看爐內有火也無
師看了來報云無丈躬自至爐深撥忽得少火乃挾起云
你道無這箇禪師因而契悟丈云欲知佛性義當觀時節
因緣持節若至其理自彰便知已物不從外得汝善護持
次日白丈同師入山作務丈云還將得火來麼師云將得
來丈云在甚麼處師拾起一枝枯柴吹三吹度與丈丈肯
之乃云如蟲禦木

保寧勇頌云提起都來只一星豁然騰皎且天明連延
野外猶難救直得三年草不生 大洪遂云力士曾遺
額上珠搜尋無處幾嗟吁傍人爲指珠元在始覺平生
用意處 上方益云撥動寒灰火便明曉來山外尚熒
熒堪嗟法眼堂前客猶向南方問丙丁

大隋真禪師僧問劫火洞然大千俱壞未審這箇壞也無
師云壞云與麼則隨他去師云隨他去其僧不會持此語
到投子舉似投子遂焚香遙望大隋禮拜云西川有古佛
出現汝速回彼僧返西川師已遷化復回投子子亦遷化
後有僧舉問脩山主主云不壞云爲甚麼不壞主云爲
同大千道吾真云此二老宿一人道壞一人道不壞
且道壞底是不壞底是會麼壞與不壞俱非內外不隔
纖毫尋常面對

智門祚頌云切忌隨他不曾他大隋此語播天涯真淨
性中纔一念早是千差與萬差雪竇顯云劫火光中
立門端衲僧猶滯兩重關可憐一句隨他語萬里區區
獨往還慈受深云壞與不壞兩相猜劍閣龍舒謾往

來何人更有樊公脚一踏鴻門雙扇開
投子同禪師僧問劫火洞然時如何師云寒威威地
投子青頌云天地爲爐萬物爲薪人駕浪渡雲霄風生
半夜霜威重月落水寒逼鬢凋

雪峯存禪師示衆云三世諸佛向火燄上轉大法輪玄沙
云近日官令稍嚴師云作廢生沙云不許攪行奪市師不

覺吐舌雲門云火燄爲三世諸佛說法三世諸佛立地聽
黃龍新云雪峯雲門交互爭輝新盡火滅向甚麼處聽
莫戀白雲深處坐切忌寒灰煨殺人

白雲端頌云火燄騰輝說最親無邊諸佛近前聞誰知
更有傍觀者鼻孔遼天不喜君保寧勇云一堆猛燄
亘天紅三世如來在此中轉大法輪今已了眉毛之上

起清風。普融平云紅酸光中也。大奇明明演說白毫輝。可憐雪老并韶石燒却眉毛總不知。

雪峯僧問古澗寒泉時如何師云瞪目不見底云飲者如何師云不從口入僧後到趙州舉此話州云不從口入不可從鼻孔裏入僧却問古澗寒泉時如何州云苦云飲者如何州云死師聞得乃云趙州古佛造作禮自此不答話雪竇顯云衆中商量總云雪峯不出這僧問頭所以趙州不肯如斯話會深屈古人雪竇即不然斬下截鐵本分宗師就下平高難爲作者天衣懷云諸仁者作麼生會不答話底道理讚嘆趙州即不無還知趙州底玉瑕生麼若人檢點得出相如不謬於秦主蒙庵岳云雪峯不從口入松柏千年青不入時人意趙州云死壯

丹一日紅滿城公子醉天童覺云扶豎宗乘須還大面雪峰辦一千五百人善知識身心趙州用一百二十歲老作家手段不妨奇特如今衆中隨言定旨亂作賤剥深屈古人然則相席打令似有知音鏤骨銘心罕逢明鑑

撥木弄擔

雲蓋昌頌云古澗寒泉浩渺渺分明枝派暗流時不從口入無滋味苦死令渠話不知寶峰照云黯黯雲攢付雪峯青青趙老一雙瞳從前汗馬無人識只要重論蓋代功佛心才云縱奪還他老作家奔流度乃數如麻深深澗底無人到飲者重添眼裏沙古德垂語云我喚作火汝不得喚作火無爲居士頌云我喚作火汝即不可已道了也喚作甚

廢

玄沙備禪師因鏡清來參問學人乍入叢林乞師指箇入
處師云還聞偃溪水聲麼清云聞師云從這裏入鏡清於
言下大悟

五祖演云果是得入一任四方八面若也未然輒不得
離却這裏徑山杲云若要真箇得入直須離却這裡
白雲端頌云天生碧眼崑崙兒有藝過人自不知幾度
黑風翻大海波心出沒自閑嬉法雲秀云一滴偃溪
水四海少人聞直饒玄會得也是弄精魂羅漢南云
天飄碎玉千峯雪雨滴巖花萬國春堪聽偃溪流水意
潺潺終日不聞聞

法眼益禪師僧問如何是曹源一滴水師云是曹源一滴

水時韶國師在會下聞此語大悟

應庵華云法眼恁麼說話眼觀東南意在西北忽有人
問薦福如何是曹源一滴水只對他道死

白雲端頌云曹源一滴久澄清流千江絕浪聲大海
幾多遊翫者茫茫空遠水邊行草堂清云曹源一滴
異常流流入滄溟貫九州垂釣幾番波浪嶮未曾聞道
失漁舟佛燈珣云一滴曹源立問端清涼答處在言
前泉流截斷窮源底百川依舊勢朝天

禪林類聚卷第十四

禪林類聚卷第十五

衣鉢

服飾把針

鞋襪

珍寶

琴瑟書畫

簾帳

舟楫

衣鉢

世尊一日勅阿難食時將至汝當入城持鉢阿難應諾佛云汝既持鉢須依過去七佛儀式阿難便問如何是過去七佛之儀式佛召阿難阿難應諾佛云持鉢去

禾山方云阿難只解與麼去不解與麼來隆慶化士既解與麼去亦解與麼來然雖如是且道作麼生是七佛儀式要會麼丈夫自有衝天志不向如來行與行

遯庵頌云從前七佛軌儀慶喜何曾欠少堪笑黃面瞿曇無端更打之遶

何曾欠少阿難

阿難尊者問迦葉云師兄世尊傳金襴袈裟外別傳箇甚麼迦葉召云阿難阿難應諾迦葉云倒却門前刹竿著

汾陽昭云不問那知 五祖戒云露 翠巖芝云千年

無影樹今時沒底靴 草堂清云刹竿未倒穿却諸人

髑髏換却諸人眼睛刹竿倒後向甚麼處見釋迦老子

參 閑云問處何如為處親幾人於此眼生動只許弟應揚揚公處陽明是

白雲端頌云金襴之外復何傳弟應兄呼豈有偏倒却

門前刹竿子免教依舊倚牆邊 覺海元云金襴付後

別何傳呼應雖勤意未圓迦葉更能施善巧刹竿倒却

貴安然 無盡居士云慶喜門前倒刹竿金襴傳外有

何傳天然外道無師證爭奈威音佛已前 天童覺云

影略門前倒刹竿箇中消息授傳難玲瓏侍者能相委

此三本相月 無遊水錢 國老都買盡 不買一文錢 柏遷集

盤走明珠珠走盤 慈受深云頭陀飲光多聞慶喜合
掌擎拳難兄難弟一朝狹路兩相逢裂轉雙睛無處避
便向門前倒刹竿丈夫自有衝天志 是古佛云提起
金欄惹倒刹竿步步踏著綠水青山
雪峯存禪師在德山作飯頭一日飯遲師曬飯巾次見德
山托鉢至法堂前師云這老漢鐘未鳴鼓未響托鉢向甚
麼處去山便歸方丈師舉似巖頭頭云大小德山不會末
後句山聞令侍者喚巖頭來山問汝不肯老僧那頭密啓
其意山休去明日陞堂果與尋常不同頭至僧堂前拊掌
大笑云且喜堂頭老漢會末後句他後天下人不柰伊何
雖然如是也只得三年後三年果遷化
明招謙代德山云咄咄沒處去沒處去 雪竇顯云曾

聞說箇獨眼龍元來只有一隻眼殊不知德山是箇無
齒大蟲若不是巖頭識破爭得明日與昨日不同諸人
要會末後句麼只許老胡知不許老胡會 大溈喆云
巖頭大似高崖石裂直得百里走獸潛蹤若非德山度
量深明爭得昨日與今日不同 翠巖真云巖頭德山
一狀領過雪峯一千九百人善知識地在
南堂靜頌云德山托鉢最爲奇好語令人特地疑虎豹
出林誇爪距叢林千古立雄基 寶峯祥云凜凜霜風
戛地寒漁翁擲釣五湖寬錦鱗觸散波心月收取絲綸
上古灘 天童覺云末後句會也無德山父子太含胡
座中亦有江南客莫向樽前唱鷓鴣 徑山杲云一搥
塗毒聞皆喪身在其中總不知八十翁翁入場屋真誠

不是小兒嬉

雲門偃禪師示衆云世界恁麼廣闊爲甚麼鐘聲披七條
鼓山珪頌云七條披向鐘聲上徧界難藏比丘相若以
色見音聲求迦葉師兄是虛妄徑山杲云鐘聲披起
鬱多羅碧眼胡兒不奈何一箭雙鵰隨手落拈來元是
柵中鵝

楊岐會禪師僧問天得一以清地得一以寧衲僧得一堪
作甚麼師云鉢盂口向天

白雲端頌云鉢口向天底時節十方世界一團鐵少林
面壁謾多年衲僧眼裏重添屑松源岳云衲僧一拶
鉢盂口闊天下楊岐望梅林止渴

服飾 把針附

洞山价禪師問僧世間甚麼物最苦僧云地獄最苦師云
不然衣線下不明大事始是苦

丹霞淳頌云鑊湯爐炭幾何般地獄三塗未苦酸須聽
新豐親切語袈裟之下莫顛頂

曹山本寂禪師僧問靈衣不掛時如何師云曹山好顛酒
滿云孝滿後如何師云曹山好顛酒

天童覺頌云清白門庭四絕隣長年關掃不容塵光明
轉處傾殘月又象分時却建寅新滿孝便逢春醉步狂
歌任隨巾散髮夷猶誰管系太平無事酒顛人

香林遠禪師僧問如何是衲衣下事師云臘月火燒山
應庵華云香林恁麼道老鼠入牛角忽有人問歸宗如
何是衲衣下事只對他道來年更有新條在惱亂春風

酸八醋

香

初冬
春之ぬき
春ハ山ニ冬
ワ入ルニ冬

卒未休

雪竇顯頌云臘月燒山萬種千般翹松鶴冷立雪人寒
達磨不會大難六難上方益云歲晚年來正苦寒千
林小葉盡凋殘炎炎野火無流水應是隨風過別山
白楊順云臘月山頭火亘天衲衣下事若爲傳老來不
是觀時節困即長伸兩脚眠天童覺云老大叢林快
說禪不將禪掛口皮邊谷深山遠空無像何處人呼應
不圓東林顏云臘月火燒山苦口是黃連相將歲除
夜竇八布衫穿大可憐把手入黃泉

鞋襪

睦州蹤禪師在黃檗爲首座教臨濟問佛法後歸鄉院杜
門織蒲鞋養母人目之曰陳蒲鞋接得雲門今嗣雪峯唯

睡及就便
陳身宿道
歷入三々

自晦迹凡見僧喚云大德僧回首師云擔板漢

雪竇顯云睦州只具一隻眼何故這僧喚既回首因甚
却成擔板

汾陽昭頌云垂慈只要總通靈不是宗師妄自生擔板
直教須放下免伊虛度百千生圓悟勤云辛辛苦辣

哩哩嚶嚶識際此爲大樹投雲門隨嶮崖機峻莫階言

如枯柴夫是之謂陳蒲鞋無爲子云睦州喚隨卦斷

面不面擔板漢長靈卓云腦後與一錐頭頭墮坑坎

直饒喚不回也是虛擔板透過睦州關乾坤一隻眼

鼓山珪云電火光中休草草劍輪鋒上莫怱怱等門放

却全身入終不當頭犯一毫徑由杲云睦州擔板那

容眡眼闊狹短長不須增減

靈雲勤禪師問僧甚處去去雪峯去師云我有一信寄雪峯云便請師乃脫履拋向面前僧便去雪峯問甚處來云靈雲來峯云和尚安不云有書相寄道了脫履拋向面前峯休去

潞山秀云雪峯既不能辨他來信端的這僧又祇知依模畫樣鈍置他靈雲忽若當時道我有一信寄他云便請靈雲只據坐這僧又若爲通露不可大丈夫漢爲人馳逐教他一言不措

珍寶

東寺會禪師因仰山來參乃問汝何處人仰云廣南人師云我聞廣南有鎮海明珠是不仰云是師云此珠作何形狀仰云白月即現師云汝將得來不云將得來師云何不

呈似老僧云某甲昨到潞山蒙索此珠直得無言可對無理可伸師云真獅子兒善能哮吼如蟪蛄蟲向蚊子眼睫上作窠於十字街頭大叫一聲云土曠人稀相逢者少燈傳作東邑政語無蟪蛄蟲下一段

龍潭曉云衆中喚作呈珠話且作麼生是呈珠處山僧今日與大衆註破等閑莫向江邊立切忌寒灰灸殺人本覺一頌云鎮海明珠到眞品由來一顆自圓成仰山東寺曾遭索叉手還將取次呈終南山師祖禪師問南泉摩尼珠人不識如來藏裏親收得如何是藏泉云王老師與爾往來者是師云不往來者泉云亦是師云如何是珠泉云師祖師應諾泉云去汝不會我語師從此信入

此卷四卷五
香嚴作動
即經于那四
三至五百尺等
此二伎倆之
才力三寸

雪竇顯向往來者是處云草裏漢又向不往來者亦是
處云雪上加霜又於如何是珠處云嶮百尺竿頭作伎
倆不是好手這裏著得箇眼賓主互換便能深入虎穴
或不謂麼縱饒師祖悟云也是龍頭蛇尾漢白雲端
云大衆這僧一顆摩尼珠可謂稀世之寶大可憐生幾
乎落在萬丈坑裏猶得南泉老兒手親爲他把得起
且道此珠現今在甚麼處乃云海神知貴不知價留與
人間光照夜
瀉山祐禪師坐次仰山與香嚴侍立師云如今總與麼者
少不與麼者多香嚴從東過西立仰山從西過東立師云
這箇因緣二十年後如金擲地相似仰云亦須是和尚提
唱始得嚴云即今亦不少師云合取狗口

護生ノ一卷ノ卷ノ

佛鑑懃云瀉山幸自海晏河清剛地無風起浪雖然一
波纔動萬波隨擲地金聲如瓦礫仰山香嚴若能慎護
纔見瀉山恁麼道便珍重下去假饒瀉山咳嗽風生也
須無出氣處大瀉智云瀉山舉令二子唱和偶然成
曲調不是海作做雖然啐咏之機瀉山未肯放過當時
仰山香嚴見瀉山與麼道便好掀倒禪床還知麼良久
云見性不留佛大悟不存師猶較些子喝一喝塗毒
策云金久鍊則精水久澄則清瀉山纔始調絃二子終
須別曲當初祇道喜相逢到底翻成怨離別且道過在
甚麼處還知麼老來我可知雲睡休與兒孫論短長
南堂靜頌云象王嚙呻師子哮吼踞地盤空移星換斗
坐斷舌頭合取狗口一回擲地作金聲九曲黃河徹底

清隱靜儼云鴻山垂語辨龍蛇一對驪珠絕點玃獅
子窟中無異獸嘉聲動地徧天涯
洛浦安禪師僧問衆手淘金誰是得者師云拳中舊寶不
假披沙云怎麼則展手不逢也師云莫將鶴唳擬作鶯啼
丹霞淳頌云淘金豈假披沙得不觸波瀾猶費力露柱
三更忽放光此時未審何人識
大嶺禪師僧問如何是一切處清淨師云截瓊枝寸寸是
寶旂旒檀片片皆香

丹霞淳頌云乾坤盡是黃金國萬有全彰淨妙身玉女
背風無巧拙靈苗花秀不知春
雲門偈禪師示衆云乾坤之內宇宙之間中有一寶秘在
形山拈燈籠向佛殿裏將三門向燈籠上

法昌遇云且緩緩法昌有一寶七顛與八倒或作無明
山或時爲相好觸處盡光輝動便入荒草休尋討珊瑚
枝上日杲杲白雲端云大衆眼在鼻上脚在肚下且
道寶在甚處乃云人而不知何處去桃花依舊笑春風
雪竇顯頌云看者古岸何人把釣竿雲冉冉水漫漫明
月蘆花君自看鴻山秀云看看野花開極撩亂二月
洞庭江上春煙霄飛過瀟湘岸白雲端云嶺上白雲
舒復卷天邊皓月去還來低頭却入茅簷下不覺呵呵
笑幾回佛心才云帝網交羅幾萬般形山消殞影團
圓拈來不是無心處只在乾坤宇宙間
長慶稜禪師僧問衆手淘金誰是得者師云有伎倆者得
云學人還得也無師云大遠在

雪竇纔代這僧當時便喝復云有伎倆者得一手分付
有伎倆者不得兩手分付學人還得也無蒼天蒼天
智門祇頌云衆手淘金得者誰纖塵窒礙豈能爲洪波
浩渺黃金遠一事無成空手歸

首山念禪師僧問學人親到寶山空手回時如何師云家
家門前火把子僧於言下大悟

白雲端頌云空手歸時誰肯信驢馱馬載入門來家家
舉起火把子半夜天如白日開佛鑑懃云寶山到日
事如何空手回時所得多家門前火把子明如日月
照山河

琴基書畫藥附

睦州蹤禪師因一秀才來參師問先輩所蘊何業才云某

甲會二十四家書師以拄杖空中點一點云會麼才罔措
師云又道會二十四家書求字八法也不識

黃龍南云睦州一點直在威音王已前及乎八法論書
却被箇俗人勘破若是黃龍即不然孔門弟子無人識
碧眼胡僧笑點頭大滙詰云睦州不妨用得這一點
妙又似以勢欺人大滙即不然乃畫一圓相云會麼字
義炳然文不加點

明招謙頌云一點會無異微塵劫不增百千諸佛眼同
共此靈明佛鑑懃云禪師拄杖秀才筆伎倆皆從手
中出入法論書如未明面前一點黑如漆何水庵云
一著機先用得親可憐窮手眼無筋須知八法論書處
前箭猶輕後箭深

大陽延禪師問梁山如何是無相道場山指觀音云此是
吳興士畫師擬進語山急索云這箇是有相底那箇是無
相底師於言下大悟作禮却依本位立山云何不道取一
句來師云道即不辭恐上紙墨山乃呵呵大笑云此語已
後上碑去在

投子青頌云路窮崖仞問山翁別指巖西嶺近東擬進
霧垂嵐色重四頭頂見太陽紅

風元沼禪師僧問古曲無音韻如何和得齊師云木雞啼
子夜翦狗吠天明

徑山果云這黃面浙子恁麼答話也做他臨濟兒孫未
得在今日或有人問徑山古曲無音韻如何和得齊只
向他道木雞啼子夜翦狗吠天明

投子青頌云古巖月色鎖重雲枯木迎芳曉帶春昨夜
星河轉南斗金烏隨鳳過天輪

簾帳

法眼益禪師因僧齋前來參次師以手指簾尋有二僧齊
去捲師云一得一失

東禪齋云上座且作麼生會有云為伊不明肯便去捲
簾亦有道指者即會不指而去者即失恁麼會還可不
可既不許恁麼會且問上座阿那箇得那箇失
天童覺頌云松直棘曲鶴長鳬短羲皇世人俱忘治亂
其安也潛鱗在淵其逸也翔鳥脫絆無何祖禰西來裏
許得失相半蓬隨風而轉空船截流而到岸箇中劍利
納僧看取清涼手段

舟楫

六祖大師一日謂門人云吾欲歸新州汝等速整舟楫門人云師從此去早晚却回師云葉落歸根來時無口法雲秀云非但來時無口去時亦無鼻孔佛眼遠頌云歸根得旨復何論洞口秦人半掩門花落已隨流水遠空留暮暮野雲屯松源岳云雲開空自闊葉落即歸根回首煙波裏漁歌過遠村船子誠禪師與道吾雲巖在藥山分別後往秀州華亭泛一小舟曾囑道吾云師兄向後有座主指一二人來道吾後至京口竹林寺時夾山會禪師住持上堂有僧問如何是法身會云法身無相云如何是法眼會云法眼無瑕吾不覺失笑會下座具禮請問吾云吾有同行在華亭船上

接人汝往見之必有所得仍須更易其服會乃散衆易服徑造華亭師見會來便問大德住甚麼寺會云似則不住住則不似師云不似又不似箇甚麼會云不是目前法師云甚處學得來會云非耳目之所到師云一句合頭語萬劫繫驢橛師又問垂絲千尺意在深潭離釣三寸子何不道會擬開口師拈撓子劈脊打落水中會纔上船師急索云道道會擬開口師又打會豁然大悟乃點頭三下師云竿頭絲線從君弄不犯清波意自殊會遂問拋綸擲釣師意如何師云絲懸綠水浮定有無之意速道速道會云語帶玄而無路舌頭談而不談師云釣盡江波金鱗始遇會乃掩耳師云如是如是乃囑云吾在藥山三十年分明得此事汝今得已向後莫在城隍聚落直須藏身處沒蹤跡

沒蹤跡處莫藏身向深山鑊頭邊接取一箇半箇嗣續吾
宗無令斷絕會領旨禮辭而去頻頻回首師復喚云闍黎
會回首師舉船橈云汝道別更有在言訖踏翻船於煙浪
投子青頌云泛舟駕嶮三十春擊颶竿頭活死人夾嶺
挂分千古韻朗江山翠萬重新保寧勇云不犯清波
不擲釣恠哉當面觸鼉頭微芒一噴朦朧雨萬壑千溪
水逆流覺海元云捨短從長有幾人遠求船子扣玄
津蘭橈數挂徒開口水色山光特地新佛迹呈云長
竿放去隨波浪絲線收來獲錦鱗橈下翻身何脫灑回
頭不見舊時人無盡居士云蘆葦蕭蕭江岸秋長
天獨月向西流離釣二寸無人追笑倚蘭橈自點頭
船子有一官人問如何是和尚日用事師豎起橈子云會

麼云不會師云棹撥清波金鱗罕遇因示偈云三十年來
坐釣臺釣頭往往得黃能金鱗不遇空勞力收取絲輪歸
去來三十年來海上遊水清魚現不吞釣釣竿斫盡重栽
竹不計功程得便休千尺絲綸直下垂一波纔動萬波隨
夜靜水寒魚不食蒲船空載月明歸

雪竇顯云這漢勞而無功忽若雲門道一句合頭語萬
劫繫驢橛又作麼生免得此過良久云莫謂水寒魚不
食如今釣得滿船歸

白雲端云閃爍金鱗躍浪時華亭貪翫下釣遲誰知
雪老垂綸慣不犯波濤取得伊

巖頭豁禪師僧問古帆未掛時如何師云小魚吞大魚
汾陽昭頌云古帆不掛更何疑學問依前又是迷大小

行
由
紫

洞
山
孫

二魚俱一海爭奈釣頭餌不齊 鼓山珪云小魚吞大
魚門上釘桃符邪魔俱不入佛法也消除 徑山杲云
小魚吞大魚直路太繁紆古帆休更問處處得逢渠
巖頭僧問古帆掛後如何師云後園驢喫草
海印信頌云槌打不碎火燒不著天上人間何處安泊
阿呵呵是甚麼莫敲破須爛嚼 六洪遂云古帆不掛
問巖頭月冷風高下直釣誰見後園驢喫草脫籠卸馱
飽齣齣 楚安方云風信不來春已老却憶後園驢喫
草蒲天明月贈行人野客溪邊歸路早 徑山杲云後
園驢喫草一老一不老驀地撞出來鬪湊得恰好
廣德周禪師僧問波浪之中如何得妙師云撈棹不施兼
底脫往來終不借浮囊

化祖言うハセシヤ也如筏之夏實ミ至ハ筏ハ入ラヌ

日本舟

丹霞淳頌云一句相酬難取則輪王不化閻浮國無邊
刹海浪痕平獨駕泥牛耕月色
木平道禪師初謁洛浦遂問一漚未發已前如何辨其水
脉浦云移舟諳水勢舉棹別波瀾師不愜意次參盤龍如
前置問龍云移舟不辨水舉棹即迷源師因此相契
雲峯悅云木平若於洛浦言下會去猶較些子可惜許
向盤龍死水裏淹殺後有問如何是木平對云不勞斤
斧師云果然只在這裏諸禪德大凡發言超方也須甄
別邪正識辨真偽帶些子眼筋始得雖然如是也是賊
過後張弓
丹霞淳頌云金烏玉兔兩交輝照破威音未兆時若謂
青霄別有路木人依舊皺雙眉 本覺一云移舟曾不

集
糸
絲
結

別澄潭舉棹波生豈更堪更會一漚初未發木人半夜
好同參

法眼益禪師問覺上座船來陸來云船來師云船在甚麼
處云船在河裡覺退却却問傍僧云你道適來這僧具眼
不具眼

天童覺頌云水不洗水金不博金昧毛色而得馬靡絲
絃而樂琴結繩畫卦有許事喪盡真淳盤古心

禪林類聚卷第十五



神鼎誦頌云向渠摩尼珠摩尼在何許呼名應各聲諸寺要錯舉

佛惠泉云碧波深處釣要前拖鉤幸結力已窮一棹清風明月下

不知身在水晶宮 夢庵信云性來是藏珠何在省去知不外

求同象得知猶特地迎光返要便可休 天童覺云別是飛明

得喪應之心持諸掌性來不性來只這便是藏輪王寶之有功黃

帝得三同象輪樞機能伎倆明眼衲僧要函芥

